

四庫全書

史部

欽定四庫全書

資治通鑑卷二百八十八 宋 司馬光 撰

胡三省 音註

後漢紀三

起著雍渚灘三月盡屠
維作噩凡一年有奇

高祖睿文聖武昭肅孝皇帝下

乾祐元年三月丙辰史弘肇起復加兼侍中 侯益家

富於財厚賂執政及史弘肇等由是大臣爭譽之

執政
謂蘓

逢吉楊邠等皆當
時大臣也譽音余

丙寅以益兼中書令行開封尹

行者
行尹

事未正除也

改廣晉為大名府

左傳晉卜偃曰魏大名也取以名府

晉昌軍

為永興軍

以革晉命故改廣晉與晉昌

侯益盛毀王景崇於朝言

其恣橫

侯益以王景崇欲殺己幸免而歸朝故毀之橫戶孟翻

景崇聞益尹開封

知事已變內不自安且怨朝廷

怨朝廷不能體先帝遺旨反聽侯益之讒也

會詔遣供奉官王益如鳳翔徵趙匡贊牙兵詣闕趙思

綰等甚懼

趙思綰趙匡贊牙校也見上卷

景崇因以言激之思綰途中

謂其黨常彥卿曰小太尉已落其手

趙思綰等本趙廷壽部曲故呼匡贊

為小太尉言匡贊入朝為己落漢人之手也

吾屬至京師并死矣奈何彥卿

曰臨幾制變子勿復言

復扶又翻

癸酉至長安永興節度副

使安友規巡檢喬守溫出迎王益置酒於客亭

諸州鎮皆有客

亭以為迎送宴餞之所

思綰前白曰壕寨使已定舍館於城東

壕寨

使掌營造浚築

今將士家屬皆在城中

趙思綰部兵先從趙匡贊鎮長

安故家屬在城中

欲各入城挈家詣城東宿友規等然之時思

綰等皆無鎧仗既入西門有州校坐門側思綰遽奪其

劍斬之其徒因大譟持白梃

校戶教翻梃徒鼎翻

殺守門者十餘

人分遣其黨守諸門思綰入府開庫取鎧仗給之友規

等皆逃去思綰遂據城集城中少年得四千餘人繕城

隍葺樓堞旬日間戰守之具皆備

少詩照翻葺七入翻堞達協翻

王景

崇諷鳳翔吏民表景崇知軍府事朝廷患之甲戌徙靜

難節度使王守恩為永興節度使

欲以制趙思綰難乃旦翻

徙保義

節度使趙暉為鳳翔節度使

欲以制王景崇

並同平章事以景

崇為邠州留後令便道之官號州伶人靖邊庭殺團練

使田令方驅掠州民奔趙思綰

靖姓也優伶之名與姓通取一義所以為謹也

何氏姓苑曰靖姓齊靖郭君之後風俗通曰靖姓單靖公之後也

至潼關

號州西北至潼關百有餘

里潼關守將出擊之其衆皆潰初契丹主北歸至定

州契丹主德光北歸死于殺胡林此謂鄂約北歸至定州也以義武節度副使耶律

忠為節度使徙故節度使孫方簡為大同節度使晉齊

運三年契丹主德光以孫方簡為義武節度使考異

曰實錄方簡作方諫按方簡避周諱改名方諫實錄誤

也方簡怨恚且懼入朝為契丹所留遷延不受命恚於

朝直帥其黨三千人保狼山故寨孫方簡兄弟保狼山

開運三年帥控守要害契丹攻之不克未幾遣使請降

幾居帝復其舊官以扞契丹復以為義武節度使邪律忠聞鄴都

既平

去年十一月杜重威降鄴都平事見上卷

常懼華人為變詔以成德留

後劉在明為幽州道馬步都部署使出兵經略定州未

行忠與滿達勒焚掠定州悉驅其人弃城北去

定州東至鎮州

止隔祁州耳契丹間鎮

州將出兵故弃城而去

孫方簡自狼山帥其衆數百還

據定州又奏以弟行友為易州刺史方遇為泰州刺史

每契丹入寇兄弟奔命

奔命者奔走以救急也

契丹頗畏之於是

晉末州縣陷契丹者皆復為漢有矣丙子以劉在明為

成德節度滿達勒至其國契丹主責失守滿達勒不服

曰因朝廷徵漢官致亂耳

謂徵馮道等也
事見上卷上年

契丹主鳩殺

之蘇逢吉等為相多遷補官吏楊邠以為虛費國用

所奏多抑之逢吉等不悅中書侍郎兼戶部尚書同平

章事李濤上疏言今關西紛擾外禦為急

上時掌翻

二樞密

皆佐命功臣官雖貴而家未富宜授以要害大鎮

李濤之疏

承蘓逢吉之意也

樞密謂楊邠郭威

樞機之務在陛下目前易以裁決

易以致翻

逢吉禹珪自先帝時任事皆可委也楊邠郭威聞

之見太后泣訴稱臣等從先帝起艱難中今天子聽人

言欲弃之於外况關西方有事

謂歧雍舉兵反

臣等何忍自取

安逸不顧社稷若臣等必不任職乞留過山陵太后怒

以讓帝曰國家勲舊之臣奈何聽人言而逐之帝曰此

宰相所言也因詰責宰相

詰去吉翻

濤曰此疏臣獨為之它

人無預丁丑罷濤政事勒歸私第

為將相交惡張本

是日邠

涇同華四鎮

邠帥王守恩涇帥史匡威同帥張彥威華帥扈從珂華戶化翻

俱上言護

國節度使兼中書令李守貞與永興鳳翔同反

趙思綰據永興

王景崇據鳳翔

始守貞聞杜重威死而懼

杜重威死見上

陰有

卷是年正月

異志自以晉世嘗為上將有戰功

李守貞破契丹于馬家口而克青州又破

契丹於陽城其功不細

素好施得士卒心

好呼到翻施式鼓翻

漢室新造天

子年少初立

少詩照翻

執政皆後進有輕朝廷之志乃招納

亡命養死士治城塹繕甲兵晝夜不息遣人間道齎蠟

丸結契丹屢為邊吏所獲

治直之翻開古覓翻

浚儀人趙修已素

善術數

舊唐書地理志浚儀故縣隋置在今縣北三十里唐武德四年移縣于州北羅城內貞觀元年

移於州西一里後治郭下

自守貞鎮滑州署司戶參軍累從移鎮

晉開

運初李守貞鎮義成後徙鎮泰寧天平歸德至是鎮護國為亂

為守貞言時命不可勿

妄動

為于偽翻

前後切諫非一守貞不聽乃稱疾歸鄉里僧

摠倫以術媚守貞言其必為天子守貞信之又嘗會將

佐置酒引弓指舐掌虎圖曰吾有非常之福當中其舌

一發中之

舐直氏翻中竹仲翻

左右皆賀守貞益自負會趙思綰

據長安奉表獻御衣於守貞守貞自謂天人協契乃自

稱秦王遣其驍將平陸王繼勲據潼關

舊唐書地理志陝州平陸縣隋

之河北縣也唐天寶三載陝郡太守李齊物開三門石

下得戟大刀有平陸篆字因改為平陸縣九域志平陸

縣在陝州北五里

以思綰為晉昌節度使同州距河中最近

中河

府西至同州

匡國節度使張彥威

考異曰周太祖實錄作彥成蓋避周祖

六十里耳

諱薛史因之

常訥守貞所為

詞古永翻又翻正翻

奏請先為之備

今從廣本

詔滑州馬軍都指揮使羅金山將部兵戍同州故守貞

起兵同州不為所併金山雲州人也 定難節度使李

彛殷發兵屯境上奏稱去三載前

難乃旦翻去已往也

羌族咬母

龍龕手鏡咬音

夜毋讀如謨

殺綏州刺史李仁裕叛去請討之慶州

上言請益兵為備

以備羌也

詔以司天言今歲不利先舉兵

諭止之 夏四月辛巳陝州都監王玉奏克復潼關

監古

街翻

帝與左右謀以太后怒李濤離間

間古寬翻

欲更進用

二樞密以明非帝意左右亦疾二蘓之專欲奪其權共

勸之

二樞密楊邠郭威二蘓逢吉禹珪

壬午制以樞密使楊邠為中書

侍郎兼吏部尚書同平章事樞密使郭威為樞密使又

加三司使王章同平章事凡中書除官諸司奏事帝皆

委邠斟酌自是三相拱手

三相實貞固蘇逢吉蘇禹珪

政事盡決於

邠事有未更邠所可否者

更工衛翻經也

莫敢施行遂成凝滯

三相每進擬用人苟不出邠意雖簿尉亦不之與邠素

不喜書生

喜許記翻

常言國家府庫實甲兵彊乃為急務至

於文章禮樂何足介意既恨二蘇排已

以其使李濤上疏請出二樞密

為外鎮也

又以其除官太濫為衆所非欲矯其弊由是艱於

除拜士大夫往往有自漢興至亡不需一命者

此所謂士大夫

指言內外任官之人命言漢朝之命

凡門蔭及百司入仕者悉罷之

門蔭謂任

子也百司入仕所謂流外也

雖由邠之愚蔽時人亦咎二蘇之不公

所致云

以鎮寧節度使郭從義充永興行營都部署

將侍衛兵討趙思綰戍子以保義節度使白文珂為河

中行營都部署內客省使王峻為都監辛卯削奪李守

貞官爵命文珂等會兵討之乙未以寧江節度使侍衛

步軍都指揮使尚洪遷為西面行營都虞候

寧江軍夔州時屬蜀

境尚洪遷
遙領也

王景崇遷延不之邠州閱集鳳翔丁壯詐

言討趙思綰仍牒邠州會兵

王景崇欲并岐邠之兵以舉事

契丹主

如遼陽

漢遼東郡有遼陽縣大梁水與遼水會處也契丹于此置遼陽府敵史自黃龍府西北行一千

三百里至遼陽府按遼陽府契丹之東京舊勃海地距燕京二千五百一十里

故晉主與太后

皇后皆謁見

見賢通翻

有齊納爾者契丹主之妻兄也聞晉

主有女未嫁詣晉主求之晉主辭以幼後數日契丹主

使人馳取其女而去與齊納爾王景崇遺蜀鳳州刺

史徐彥書求通互市

遺唯季翻

壬戌蜀主使彥復書招之

契丹主留晉翰林學士徐台符於幽州

徐台符從契丹主北去見上卷

上年台符逃歸五月乙亥滑州言河決魚池

魚池地名河決之後

謂之魚池口

六月戊寅朔日有食之辛巳以奉國左廂

都虞侯劉詞充河中行營馬步都虞侯乙酉王景崇

遣使請降于蜀亦受李守貞官爵高從誨既與漢絕

見上卷天
福十二年

北方商旅不至境內貧乏乃遣使上表謝罪

乞修職貢詔遣使慰撫之西面行營都虞侯尚洪遷

攻長安傷重而卒

卒子恤翻

秋七月以工部侍郎李穀充

西南面行營都轉運使

為李穀見親任
于周朝張本

庚申加樞密使

郭威同平章事蜀司空兼中書侍郎同平章事張業

性豪侈強市人田宅

以威力臨人人畏其威力不
得已而就與為市是為強市

藏匿

亡命於私第置獄繫負債者或歷年至有瘦死者

蘇林曰瘦

病也因徒病律名為瘦如淳曰
律囚以飢寒死曰瘦音勇主翻

其子檢校左僕射繼昭

好擊劍

好呼到翻

嘗與僧歸信訪善劍者右匡聖都指揮使

孫漢韶與業有隙密告業繼昭謀反翰林承旨李昊奉

聖控鶴馬步都指揮使安思謙復從而諧之

復扶又翻

甲子

業入朝蜀主命壯士就都堂擊殺之下詔暴其罪惡籍

沒其家樞密使保寧節度使兼侍中王處回亦專權貪

縱

王處回以節兼侍中不在閬州

賣官鬻獄四方饋獻皆先輸處回次

及內府

此所謂四方止以蜀之境上言之

家貲巨萬子德鈞亦驕橫

橫戶

孟翻張業既死蜀主不忍殺處回聽歸私第處回惶恐辭

位以為武德節度使兼中書令

王處回亦不得至梓州

蜀主欲以

普豐庫使高延昭茶酒庫使王昭遠為樞密使

普豐茶酒二庫

使皆蜀所置

以其名位素輕乃授通奏使知樞密院事

通奏使亦

蜀所置

昭遠成都人幼以僧童從其師入府蜀高祖愛其

敏慧令給事蜀主左右至是委以機務府庫金帛恣其

取與不復會計

復扶又翻會古外翻至于宋興蜀主遂以用王昭遠亡國

戊辰以

郭從義為永興節度使白文珂兼知河中行府事

時郭從義

討長安就以永興節授之白文珂討河中因使之知行府事

蜀主以翰林承旨尚

書左丞李昊為門下侍郎兼戶部尚書翰林學士兵部侍郎徐光溥為中書侍郎兼禮部尚書並同平章事

蜀安思謙謀盡去舊將

去羌
呂翻

又諧衛聖都指揮使兼中

書令趙廷隱謀反欲代其位夜發兵圍其第會山南西道節度使李廷珪入朝極言廷隱無罪乃得免廷隱因稱疾固請解軍職甲戌蜀主許之

史言蜀主
以新間舊

鳳翔節

度使趙暉至長安乙亥表王景崇反狀益明請進兵擊之
初高祖鎮河東皇弟崇為馬步都指揮使與蕃漢

都孔目官郭威爭權有隙及威執政崇憂之節度判官

鄭珙勸崇為自全計崇從之珙青州人也

珙居

八月庚

辰崇表募兵四指揮自是選募勇士招納亡命繕甲兵

實府庫罷上供財賦皆以備契丹為名朝廷詔令多不

稟承

於是之時劉崇則為跋扈然郭威既立天下為周河東非素有備殆不能守也

自河中

永興鳳翔三鎮拒命以來朝廷繼遣諸將討之昭義節

度使常思屯潼關白文珂屯同州趙暉屯咸陽

常思白文珂不

敢逼河中趙暉不敢逼鳳翔

惟郭從義王峻置柵近長安而二人相

惡如水火

近其新翻惡如字又烏路翻

自春徂秋皆相仗莫肯攻戰

帝患之欲遣重臣臨督壬午以郭威為西面軍前招慰

安撫使

考異曰薛史周太祖記七月十三日授同平章事即遣西征以安慰招撫為名八月六日發

離京師按漢隱帝周太祖實錄七月加平章事制詞諸無西征之言至八月壬午方受命出征蓋薛史之誤

軍皆受威節度威將行問策於太師馮道道曰守貞自

謂舊將為士卒所附願公勿愛官物以賜士卒則奪其

所恃矣威從之

郭威以卒伍之雄而問策於馮道之老將者觀其所以答與威所以從則人之

材識不合乎道者則有之

由是衆心始附於威

為郭威得天下

張本 詔白文珂趣河中趙暉趣鳳翔

趣七喻翻

甲申蜀主以

趙廷隱為太傅賜爵宋王國有大事就第問之 戊子

蜀改鳳翔曰岐陽軍

以鳳翔之地在岐山之陽也

己丑以王景崇為

岐陽節度使同平章事

乙未以錢弘倣為東南兵馬

都元帥鎮海鎮東節度使兼中書令吳越國王 郭威

與諸將議攻討諸將欲先取長安鳳翔鎮國節度使扈

從珂曰今三叛連衡推守貞為主守貞亡則兩鎮自破

矣若捨近而攻遠萬一王趙拒吾前守貞倚吾後

持居蟻翻

此危道也威善之於是威自陝州白文珂及寧江節度

使侍衛步軍都指揮使劉詞自同州常思自潼關三道

攻河中

九域志陝州北至河中二百三十七里同州東至河中六十里潼關度河至河中一百餘里陝

失丹翻

威撫養士卒與同苦樂小有功輒賞之微有傷常

親視之士無賢不肖有所陳啟皆溫辭色而受之違忤

不怒小過不責

樂音洛忤五故翻

由是將卒咸歸心於威始李

守貞以禁軍皆嘗在麾下受其恩施

施式政翻下好施同

又士卒

素驕苦漢法之嚴謂其至則叩城奉迎可以坐而待之

李守貞習見鳳翔太原之事以楊思權期漢兵耳

既而士卒新受賜於郭威皆

忘守貞舊恩已亥至城下揚旗伐鼓踊躍詬譟

詬古侯翻又許

侯翻

守貞視之失色白文珂克西關城柵於河西

河中西關城在

河西所以護蒲津浮梁者也

常思柵於城南威柵於城西

常思郭威蓋近城立

柵

未幾威以常思無將領才先遣歸鎮

幾居宣翻將即亮翻下同遣常

思歸潞州史言郭威能審人之能否

諸將欲急攻城威曰守貞前朝宿將

健關好施

施式政翻

屢立戰功況城臨大河樓堞完固未易

輕也

易以政翻

且彼馮城而關

馮讀曰憑

吾仰而攻之何異帥士

卒投湯火乎

帥讀曰率

夫勇有盛衰攻有緩急時有可否事

有後先不若且設長圍而守之使飛走路絕吾洗兵牧

馬坐食轉輸

輪春遇翻

溫飽有餘俟城中無食公帑家財皆

竭

帑它部翻

然後進梯衝以逼之飛羽檄以招之彼之將士

脫身逃死父子且不相保况烏合之衆乎思綰景崇但

分兵縻之不足慮也

縻忙皮翻縻也史言郭威方畧亦因周之史官潤色已成之文

乃

發諸州民夫二萬餘人使白文珂等帥之剋長壕築連

城列隊伍而圍之威又謂諸將曰守貞驕畏高祖不敢

鷓鴣張

鷓謂昔時也鷓張言如鷓之張翼欲高舉遠飛也

以我輩崛起太原事功

未著有輕我心故敢反耳正宜靜以制之乃偃旗卧鼓但循河設火鋪連延數十里番步卒以守之遣水軍檣舟於岸寇有潛往來者無不擒之於是守貞如坐網中

矣

鋪普故翻檣魚倚翻番步卒者使步卒分番迭守張敬遠之圍晉陽郭威之圍河中皆欲以持久制之然

敬遠以敗郭威以勝者晉陽有援而河中無援也司馬仲達急攻孟達而緩攻公孫淵亦以有援無援而為緩耳

蜀武德節度使兼中書令王處回請老辛丑以太

子太傅致仕

南漢主

中國既國號曰漢故嶺南之漢書南漢以別之

遣知制

誥宣化鍾允章

宣化漢領方縣地晉置晉興郡隋廢郡置宣化縣及晉興縣唐以宣化為邕州

治所晉興亦屬邕州

求昏於楚楚王希廣不許南漢主怒問允章

馬公復能經畧南土乎

復扶又翻

對曰馬氏兄弟方爭亡於

不暇安能害我南漢主曰然希廣懦而吝嗇其士卒忘

戰日久此乃吾進取之秋也

為南漢舉兵攻楚張本

武平節度

使馬希萼請與楚王希廣各修職貢求朝廷別加官爵

欲使潭朗如二國然

希廣用天策府內都押牙歐弘練進奏官張

仲荀謀厚賂執政使拒其請九月壬子賜希萼及楚王

希廣詔書諭以兄弟宜相輯睦凡希萼所貢當附希廣以聞希萼不從 蜀兵援王景崇軍于散關趙暉遣都

監李彥從襲擊破之

考異曰實錄戊辰郭諱上言都監李彥從將兵掩襲州賊至大散

關殺賊三千餘其餘奔甲而遁漢隱帝實錄九月李彥從敗蜀兵于散關而蜀後主實錄無之蜀實錄十月安思謙敗漢兵於時家竹林遂焚蕩實錄十二月又敗漢兵于玉女潭而漢實錄無之蓋兩國各舉其勝而諱其敗耳然漢實錄言官軍不滿萬人而蜀兵數倍是二三十萬人非小役也豈得全不書殺三千人非小敗也豈十月遠能再舉蓋九月止是蜀邊將小出兵為漢所敗漢將因張大而奏之耳又蜀實錄十月但云思謙退次鳳州不云歸興元十二月云思謙自興元進次鳳州蓋十月脫畧耳

蜀兵遁去 蜀主以

張業王處回執政事多壅蔽已未始置函

函居洧翻

後改

為獻納函

王景崇盡殺戾益家屬七十餘人

怨戾益之毀已

於朝也

益子前天平行軍司馬仁矩先在外得免庚申以

仁矩為隰州刺史仁矩子延廣尚在襁褓乳母劉氏以

己子易之

凡擇乳母必取新生子者許之攜子故得以易

抱延廣而逃乞食至

于大梁歸于益家

李守貞屢出兵欲突長圍皆敗而

返遣人齎蠟丸求救于唐蜀契丹皆為邏者所獲

邏郎佐翻

城中食且盡殍死者日衆

殍被表翻

守貞憂形於色召摠倫

詰之

摠倫媚守貞見上
三月詰去吉翻

摠倫曰大王當為天子人不能

奪但此分野有災

分扶
開翻

待磨滅將盡只餘一人一騎乃

大王鵲起之時也

莊子曰鵲上高城乘危而巢於高枝
之巔城壞巢折凌風而起故君子之

居世也得時則義
行失時則鵲起

守貞猶以為然冬十月王景崇遣其

子德讓趙思綰遣其子懷乂見蜀主于成都戊寅景崇

遣兵出西門趙暉擊破之遂取西關城景崇退守大城

塹而圍之數挑戰不出

數所角翻
挑徒了翻

暉潛遣千餘人擐甲

執兵

擐音
官

効蜀旗幟循南山而下

幟昌
志翻

令諸軍聲言蜀

兵至矣景崇果遣兵數千出迎之暉設伏掩擊盡殪之

殪壹計翻

自是景崇不復敢出

復扶又翻

蜀主遣山南西道節度

使安思謙將兵救鳳翔左僕射兼門下侍郎同平章事

母昭裔上疏諫曰臣竊見莊宗皇帝志貪西顧前蜀主

意欲北行

志貪西顧言後唐莊宗利蜀之富而伐之也前蜀主謂王衍意欲北行言其銳意幸秦州

也事並見莊宗紀上時掌翻

凡在庭臣皆貢諫疏殊無聽納有何所

成只此兩朝可為鑒誠不聽又遣雄武節度使韓保貞

引兵出汧陽以分漢兵之勢

汧陽縣屬隴州九域志在州東六十七里汧苦堅翻

王景崇遣前義成節度使酸棗李彥舜等逆蜀兵

酸棗古縣

唐屬汴州九域志在州東北九十里

丙申安思謙屯右界

右界益寶雞西界漢蜀分疆處

也漢兵屯寶雞思謙遣眉州刺史申貴將兵二千趣模壁

趣七俞翻

設伏於竹林丁酉旦貴以兵數百壓寶雞而陳

陳讀

陣曰漢兵逐之遇伏而敗蜀兵逐北破寶雞寨蜀兵去漢

兵復入寶雞

復扶又翻

己亥思謙進屯渭水

渭水過寶雞縣北

漢益

兵五千戍寶雞思謙畏之謂衆曰糧少敵強宜更為後

圖辛丑退屯鳳州尋歸興元

興元安思謙本鎮也

貴潞州人也

荆南節度使南平文獻王高從誨寢疾以其子節度副

使保融判內外兵馬事癸卯從誨卒

年五十八

保融知留後

保融從誨第三子史不言其得立之因

彰武節度使高允權與定難節

度使李彝殷有隙

延州北至夏州三百八十里二鎮接壤違言易生難乃旦翻

李守

貞密求援於彝殷發兵屯延丹境上聞官軍圍河中乃

退甲辰允權以狀聞彝殷亦自訴朝廷和解之初高

祖入大梁太師馮道太子太傅李崧皆在真定

事見上卷天福

十二年高祖以道第賜蘇禹珪崧第賜蘓逢吉崧第中廢

藏之物及洛陽別業

瘞於計翻別置田園於它所謂之別業亦謂之莊

逢吉盡

有之及崧歸朝自以形迹孤危

石晉之時漢高祖風有憾于李崧即位後崧始

歸朝故

內懼

事漢權臣常惕惕謙謹多稱疾杜門而二弟嶼

義

嶼以與翻義宜崎翻

與逢吉子弟俱為朝士時乘酒出怨言云

奪我居第家皆逢吉由是惡之未幾

惡烏路翻幾居宜翻

崧以兩

京宅券獻於逢吉逢吉愈不悅翰林學士陶穀先為崧

所引用復從而譖之

復扶又翻

漢法既嚴而侍衛都指揮使

史弘肇尤殘忍寵任孔目官解暉

解戶買翻姓也鄭樵姓氏畧曰自唐叔虞

食邑于解今解縣也至春秋之時晉有解狐解揚

凡入軍獄者使之隨意鍛鍊無不自

誣及三叛連兵

三叛謂李守貞王景崇趙思綰

羣情震動民間或訛言相驚駭

弘肇掌部禁兵巡邏京城

部者部分也邇即佐翻

得罪人不問輕重於法

何如皆專殺不請或決口斫筋折脛無虛日雖姦盜屏跡而冤

死者甚衆莫敢辯訴

斷音短斫側畧翻折而設翻脛戶定翻屏卑郢翻又卑正翻

李嶼僕夫

葛延遇為嶼販鬻多所欺匿嶼扶之

扶丑栗翻

督其負甚急延遇與

蘓逢吉之僕李澄謀上變告嶼謀反

孔子有言治家者不敢失於臣妾而况居昏暴

之朝乎上

逢吉聞而誘致之

誘音西

因召崧至第收送侍

衛獄

侍衛獄即侍衛司獄所謂軍獄也

嶼自誣云與兄崧弟義甥王凝

及家僮合二十人謀因山陵發引

引羊晉翻

縱火焚京城作

亂又遣人以蠟書入河中城結李守貞又遣人召契丹

兵及具獄上

上時掌翻

逢吉取筆改二十為五十字十一月

甲寅下詔誅崧兄弟家屬及辭所連及者皆陳尸於市

輒逢吉取李崧之家貲又從而夷其家曾未暮年逢吉亦身死而家破天道不遠人猶冒貲而不顧可哀也哉

仍厚賞葛延遇等時人無不冤之自是士民家皆畏憚

僕隸往往為所脅制它日祕書郎真定李昉詣陶穀

昉甫

兩翻

穀曰君於李侍中近遠昉曰族叔父穀曰李氏之禍

穀有力焉昉聞之汗出穀邠州人也本姓唐避晉高祖

諱改焉

姓譜姓苑皆謂陶姓唐姓並出陶唐氏之後唐穀之改姓陶据此也

史弘肇尤惡

文士

惡鳥路翻

常曰此屬輕人難耐每謂吾輩為卒

此事亦誠有之

但以此而例惡文士則過矣

弘肇領歸德節度使委親吏楊乙收屬

府公利乙依勢驕橫

史弘肇領宋州節而掌侍衛留京師使節度副使治府事副使其屬

也故謂之屬府公利言公取所當得者橫戶孟翻

合境畏之如弘肇副使以下

望風展敬乙皆下視之月率錢萬緡以輸弘肇士民不

勝其苦

史言史弘肇所謂公利其實皆虐民而取之輸春遇翻勝音升

初沈丘人舒

元

沈丘古寢丘也唐神龍二年改曰沈丘屬潁州九域志在州西一百一十里沈式往翻

嵩山道

士楊訥俱以遊客干李守貞守貞為漢所攻遣元更姓

朱訥更姓李名平間道奉表求救於唐

朱元遂留為南唐用間古覓翻

唐諫議大夫查文徽

查鈕加翻

兵部侍郎魏岑請出兵應之

唐主命北面行營招討使李金全將兵救河中以清淮

節度使劉彥貞副之

唐置清淮軍于壽州

文徽為監軍使岑為汧

淮巡檢使軍于沂州之境金全與諸將方會食候騎白

有漢兵數百在澗北皆羸弱

羸倫為翻

請掩之金全令曰敢

言過澗者斬

過音无

及暮伏兵四起金鼓聞十餘里

聞音問

金全曰曷可與之戰乎時唐士卒厭兵莫有鬪志又河

中道遠勢不相及丙寅唐兵退保海州

是時沂州屬漢海州屬唐九域

志沂州之界東南至海州一百里

唐主遣帝書謝請復通商旅

與中國絕和故

商旅不通今遣書謝前過請復通商旅遺唯季翻復扶又翻

且請赦守貞朝廷不報

壬申葬睿文聖武昭肅孝皇帝于睿陵

睿陵在河南府告成縣

廟號高祖 十二月丁丑以高保融為荆南節度使同

平章事 辛巳南漢主以內常侍吳懷恩為開府儀同
三司西北面招討使將兵擊楚攻賀州楚王希廣遣決
勝指揮使徐知新等將兵五千救之未至南漢人已拔
賀州鑿大窰於城外覆以竹箔加上

以竹箔覆窰而加土於竹箔之上窰

才性翻覆數又翻箔白各翻

下施機軸自塹中穿穴通窰中知新等

至引兵攻城南漢遣人自穴中發機楚兵悉陷南漢出
兵從而擊之楚兵死者以千數知新等遁歸希廣斬之

南漢兵復陷昭州

復扶又翻九域志賀州西至昭州三百餘里

王景宗累

表告急于蜀蜀主命安思謙再出兵救之壬午思謙自

興元引兵屯鳳州請先運糧四十萬斛乃可出境蜀主

曰觀思謙之意安肯為朕進取

為于偽翻

然亦發興州興元

米數萬斛以饋之戊子思謙進屯散關遣馬步使高彥

儔眉州刺史申貴擊漢箭箬安都寨破之

箬音括箭箬嶺名有箭箬

關庚寅思謙敗漢兵於玉女潭

敗補邁翻

漢兵退屯寶雞思

謙進屯模壁韓保貞出新關

新關在隴州汧源縣西唐大中六年隴州防禦使薛

達從築謂之安戎關汧隴之人謂大震為故關

壬辰軍

于隴州神前漢兵不出保貞亦不敢進趙暉告急于郭

威威自往赴之時李守貞遣副使周光遜裨將王繼勲

聶知遇守城西

聶尼賴翻姓也姓苑楚大夫食采於聶因以為氏

威戒白文珂

劉詞曰賊苟不能突圍終為我禽萬一得出則吾不得

復留於此成敗之機於是乎在賊之驍銳盡在城西我

去必采突圍爾曹謹備之威至華州聞蜀兵食盡引去

考異曰十國紀年蜀廣政十二年正月甲寅思謙以

軍食匱竭自模壁退次鳳州上表待罪蓋去年冬末已

退軍明年正月表始到成都耳今

從周太祖實錄模壁一作模壁

威乃還

還從

韓保貞

宣翻

聞安思謙去亦退保弓川寨

九域志秦州東一百六十五里有弓川寨

蜀

中書侍郎兼禮部尚書同平章事徐光溥坐以豔辭挑

前蜀安康長公主

挑徒了翻
長知兩翻

丁酉罷守本官

隱皇帝上

諱承祐高祖第二子也

乾祐二年春正月乙巳朔大赦

郭威將至河中
自華州還

也白文珂出迎之戊申夜李守貞遣王繼勲等引精兵

千餘人循河而南襲漢柵坎岸而登遂入之

此漢兵柵
於河西者

也王繼勲知漢兵據河之西以臨河東守
備必厚故循河而南坎岸而上以攻之

縱火大譟軍

中狼狽不知所為劉詞神色自若下令曰小盜不足驚

也帥衆擊之

帥讀曰率

客省使閻晉卿曰

梁有客省使副宋因之掌四方進奉

及四夷朝貢牧伯朝覲賜酒饌甕餼宰相近臣禁軍將校節級諸州進奉使賜物回詔之事

賊甲皆

黃紙為火所照易辨耳

易以鼓翻

柰衆無鬪志何裨將李韜

曰安有無事食君祿有急不死鬪者邪援稍先進

援于元翻

稍音衆

衆從之河中兵退走死者七百人繼勲重傷僅以

身免己酉郭威至劉詞迎馬首請罪威厚賞之曰吾所

憂正在於此微兄健鬪

微無也

幾為虜嗤

用漢光武語幾居依翻嗤丑之

翻

然虜伎殫於此矣

伎渠綺翻

晉卿忻州人也守貞之欲攻

河西柵也先遣人出酤酒於村墅或貫與不責其直邏

騎多醉

酤音沽墅承與翻貫始制翻邏郎佐翻

由是河中兵得潛行入寨

幾至不守郭威乃下令將士非犒宴毋得私飲

犒苦到翻

愛

將李審晨飲少酒

少酒言所飲不多也少詩沼翻

威怒曰汝為吾帳下

首違軍令何以齊衆立斬以徇

甲寅蜀安思謙退屯

鳳州上表待罪蜀主釋不問

軍行逗撓者必誅釋而不問為失刑

詔以

靜州隸定難軍

唐置靜邊州都督於銀州界以處党項降者難乃旦翻

二月辛未

李彝殷上表謝彝殷以中原多故有輕傲之志每藩鎮有叛者常陰助之邀其重賂朝廷知其事亦以恩澤羈

縻之

史言拓拔據銀夏漸以驚梁遂成宋朝繼遷之叛

淮北羣盜多請命於

唐唐主遣神衛都虞侯皇甫暉等將兵萬人出海泗以

招納之

皇甫暉即與趙在禮作亂以成後唐莊宗之禍者也奔南唐見二百八十六卷高祖天福十二

年海泗二州名

蒙城鎮將咸師朗等降於暉

蒙城隋之山桑縣唐天寶元年更名

蒙城屬亳州九域志在州南一百六十里

徐州將成德欽敗唐兵於峒嵒鎮

峒嵒貢翻又從董翻嵒五平翻

俘斬六百級暉等引歸晉李太后詣契

丹主請依漢人城寨之側給田以耕桑自贍契丹主許

之并晉主遷於建州

歐史曰自遼陽府東南行千二百里至建州今按建州在遼陽之西

北其南則義州其北則土河土河之北則契丹之中京大定府大定府南至燕京一千一百五十里北至上京臨潢府七百里金人疆域圖建州南至燕京一千二百四十五里遼陽府治遼陽縣至燕京二千二百一十里薛史曰自遼陽行十數日過儀州霸州至建州陳元觀曰大元建州領建平永霸二縣屬大定府路未至

安太妃卒於路遺令必焚我骨南向颺之

颺余章翻

庶幾魂

魄歸達于漢

白虎通曰魂者云也云云行不休也魄者迫也迫迫然著於人也

既至建

州得田五十餘頃晉主令從者耕其中以給食

從才用翻頃

之舒魯王遣騎取晉主寵姬趙氏聶氏而去舒魯王者契丹主德光之子也 三月己未以歸德牙內指揮使

史德琬領忠州刺史

琬 昌中翻忠州時屬蜀

德琬弘肇之子也頗

讀書常不樂父之所為

樂音洛

有舉人呼譟於貢院門蘓

逢吉命執送侍衛司欲其痛箠而黜之

呼火故翻箠止藥翻貢院門禮

部貢院門也五季自梁以來雖皆右武之時而諸州取

解禮部試進士未嘗廢唐明宗天成二年勅新及第進

士有聞喜宴今後逐年賜錢四百貫其進士試詩賦文

策帖經對義蓋朝廷猶重科舉之士故史德琬雖將家

子亦愛

護士流

德琬言於父曰書生無禮自有臺府治之非軍

務也此乃公卿欲彰大人之過耳

謂蘓逢吉知史弘肇不喜書假手以送若

墮其術是自彰已過治直之翻

弘肇大然之即破械遣之楚將徐進

敗蠻於風陽山斬首五千級

敗補邁翻

夏五月壬午太白

晝見

見賢邁翻

民有仰視之者為邏卒所執

邏郎佐翻

史弘肇腰

斬之

河中城中食且盡民餓死者什五六癸卯李守

貞出兵五千餘人齎梯橋分五道以攻長圍之西北隅

郭威遣都監吳虔裕引兵橫擊之河中兵敗走殺傷大

半奪其攻具五月丙午守貞復出兵又敗之

復扶又翻

擒其

將魏延朗鄭賓壬子周光遜王繼勲聶知遇帥其衆千

餘人來降

周光遜王繼勲李守貞之驍將也帥讀曰率

守貞將士降者相繼

威乘其離散庚申督諸軍百道攻之

此司馬文王取諸葛誕之故智

趙思綰好食人肝嘗面剖而膾之

好呼到翻按禮記內則聶而細切之者為

膾盜跖膾人肝而舖之莊子寓言耳豈知後世真有趙思綰者乎

膾盡人猶未死又好

以酒吞人膽謂人曰吞此千枚則膽無敵矣及長安城

中食盡取婦女幼稚為軍糧

椎直利翻

日計數而給之每犒

軍輒屠數百人如羊豕法思綰計窮不知所出郭從義

使人誘之初思綰少時

獨苦到翻誘音
酉少詩照翻

求為左驍衛上

將軍致仕李肅僕肅不納曰是人目亂而語誕

誕徒早
翻大言

謂之它日必為叛臣肅妻張氏全義之女也

張全義鎮
洛著功名

于梁唐
之間

曰君今拒之後且為患乃厚以金帛遺之

遺唯
季翻

及思綰據長安肅閒居在城中思綰數就見之拜伏如

故禮

天福十二年趙在禮自長安朝契丹其裨將留長
安者作亂李肅討誅之是其威望必重趙思綰又

懷其疇昔之惠故雖竊據其見肅
也猶如奴事主之禮數所角翻

肅曰是子亟來且汙

我欲自殺

亟去吏翻
汙烏故翻

妻曰曷若勸之歸國

史言李肅
之妻有智

會

思綰問自全之計肅乃與判官程讓能說思綰曰

說式芮翻

公本與國家無嫌但懼罪耳今國家三道用兵俱未有

功

三道用兵謂郭威攻河中趙暉攻鳳翔郭從義攻思綰也

若以此時翻然改圖朝

廷必喜自可不失富貴孰與坐而待斃乎思綰從之遣

使詣闕請降乙丑以思綰為華州留後

以為鎮國軍留後

都指

揮使常彥卿為虢州刺史令便道之官

不使入朝所以安其反側之心

吳越內牙都指揮使斜滔胡進思之黨也

考異曰吳越備史

十國紀年斜姓皆金旁斗按何氏姓苑元和姓纂皆無此姓今按字書斜音他口徒口二切皆云姓也余又按

廣韻云斜姓
出姓苑也

或告其謀叛辭連丞相弘億吳越王弘俶

不欲窮治貶滔於處州

治直之翻

六月癸酉朔日有食之

秋七月甲辰趙思綰釋甲出城受詔郭從義以兵守

其南門復遣還城

復扶又翻還從宣翻又如字

思綰求其牙兵及鎧

仗從義亦給之思綰遷延收斂財賄三改行期從義等

疑之密白郭威請圖之威許之壬子從義與都監南院

宣徽使王峻

當作宣徽南院使

按轡入城處于府舍

處昌呂翻

召思

綰酌別因執之并常彥卿及其父兄部曲三百人皆斬

於市 甲寅郭威攻河中克其外郭李守貞收餘衆退

保子城諸將請急攻之威曰夫鳥窮則啄况一軍乎涸

水取魚安用急為壬戌李守貞與妻及子崇勲等自焚

威入城獲其子崇玉等及所署丞相靖崧孫愿樞密使

劉萬國師總倫等送大梁礫於市

靖姓也崧其名崧同都翻與龔同說文禹

會諸侯於塗山之塗作龔礫音竹格翻

徵趙修己為翰林天文

以趙修己數諫李守

貞也盛唐有天文博士天文生皆屬司天監其待詔於翰林院者曰翰林天文

威閱守貞文書

得朝廷權臣乃藩鎮與守貞交通書詞意悖逆欲奏之

悖蒲妹翻
又蒲沒翻

祕書郎榆次王溥諫曰魑魅乘夜爭出見日

自消

魑丑知翻魑明祕翻
魑野鬼山精之屬

願一切焚之以安反側威從

之

王溥之進用於周由此言也郭威西征于外則得李穀王溥於內則得范質此豈一時倔彊武人之所能

及三叛既平

是時鳳翔猶未平也因帝驕縱而繫言之

帝浸驕縱與左右狎

暱

暱尼質翻

飛龍使瑕丘後匡贊

後讀如字姓也鄭樵氏族畧云後姓望出東海開封

有此姓

茶酒使太原郭允明以諂媚得幸帝好與之為廋

辭醜語

廋辭隱語也好呼
到翻廋所鳩翻

太后屢戒之帝不以為意癸

亥太常卿張昭上言宜親近儒臣講習經訓不聽

近其新翻

昭即昭遠避高祖諱改之 戊辰加永興節度使郭從

義同平章事徙鎮國節度使扈從珂為護國節度使以

河中行營馬步都虞侯劉詞為鎮國節度使 唐主復

進用魏岑

魏岑以罪黜見二百八十六卷高祖天福十二年唐主之保大五年也

吏部郎

中會稽鍾謨尚書員外郎李德明始以辯慧得幸參預

國政

會古外翻

二人皆恃恩輕躁雖不與岑為黨而國人皆

惡之戶部員外郎范沖敏性狷介

惡烏路翻狷吉掾翻

乃教天威都

虞侯王建封上書歷詆用事者請進用正人唐主謂建

封武臣典兵不當干預國政大怒流建封於池州未至

殺之冲敏弃市唐主聞河中破以朱元為駕部員外郎

待詔文理院李平為尚書員外郎

李守貞遣朱元李平至唐見去年十一月

文理院南唐所置尚書員外郎無曹局蓋於二十四司郎員外置也

吳越王弘俶以丞

相弘億判明州

以糾治事出弘億

西京留守同平章事王守

恩性貪鄙專事聚斂

斂力

喪車非輸錢不得出城下至

抒廁行乞之人不免課率

抒叙呂翻抒廁取人家虎子寫去穢惡漂水洗之者也

或縱麾下令盜人財有富室娶婦守恩與俳優數人往

為賓客得銀數鉅而返

實一作賀鉅徒鼎翻

八月甲申郭威自河

中還過洛陽守恩自恃位兼將相

留守節度使同平章事所謂位兼將相也

肩輿出迎威怒以為慢已辭以浴不見即以頭子命保

義節度使同平章事白文珂代守恩為留守

沈括曰後唐莊宗復

樞密使郭崇韜安重誨相繼為之始分領政事不關由中書直下行下者謂之宣如中書之勅小事則發頭子擬堂帖

文珂不敢違守恩猶坐客次

客次猶今言客位也坐于客次以俟見

吏白新留守已視事於府矣守恩大驚狼狽而歸見家屬數百已逐出府在通衢矣朝廷不之問以文珂兼侍

中充西京留守

歐陽修論曰自古亂亡之國必先壞其法制

壞音性

而

後亂從之此勢之然也五代之際是已文珂守恩皆

漢大臣而周太祖以一樞密使頭子而易置之如更

戍卒

更工衛翻

是時太祖未有無君之志而所為如此者

蓋習為常事故文珂不敢違守恩不敢拒太祖既處

之不疑

處昌呂翻

而漢廷君臣亦置而不問豈非綱紀壞

亂之極而至於此歟

余按唐閔帝之初朱弘昭馮質以樞密院宣易置諸鎮以致潞

王之亂雖成敗不同而
樞密權重則有自來矣
是以善為天下慮者不敢忽

於微而常杜其漸也可不戒哉

守恩至大梁恐獲罪廣為貢獻重賂權貴朝廷亦以守

恩首舉潞州歸漢

事見二百八十六
卷天福十二年

故宥之但誅其用

事者數人而已

馬希萼悉調朗州丁壯為鄉兵

調徒
釣翻

造號靜江軍

造號言創
立軍號也

作戰艦七百艘

艦戶黠翻
艘蘓遭翻

將攻

潭州其妻苑氏諫曰

姓苑商武丁子子文受封於苑因
以為氏左傳齊有大夫苑何忌趙

明城金石錄有漢荊州從事苑鎮碑曰其先出苑柏何
為晉樂正世掌朝禮之制又有苑子園寔能掌陰陽之

理按姓氏志皆云苑氏出苑何忌之後今此碑所謂苑相何與子園左傳國語皆無其人故錄之以傳知者

兄弟相攻勝負皆為人笑不聽引兵趣長沙

趣七喻翻

馬希

廣聞之曰朗州吾兄也不可與爭當以國讓之而已劉

彥瑫李弘皋固爭以為不可乃以岳州刺史王贇為都

部署戰棹指揮使以彥瑫監其軍己丑大破希萼於僕

射洲獲其戰艦三百艘贇追希萼將及之希廣遣使召

之曰勿傷吾兄贇引兵還贇環之子也

還從宣翻又如字王環馬氏之

良將也

希萼自赤沙湖乘輕舟遁歸

赤沙湖在洞庭湖西與洞庭湖通水經注

云澧水與赤沙湖水會
湖水北通江而南注澧

苑氏泣曰禍將至矣余不忍見

也赴井而死 戊戌郭威至大梁入見帝勞之

見賢通
翻勞力

到賜金帛衣服玉帶鞍馬辭曰臣受命期年

去年七月
命郭威西

征至是踰蕃
矣期讀曰暮

僅克一城何功之有且臣將兵在外凡

鎮安京師供億所須使兵食不乏皆諸大臣居中者之
力也臣安敢獨膺此賜請徧賞之又議加方鎮辭曰楊

邠位在臣上未有茅土

時楊邠為樞密使位在
郭威上未嘗領節鎮

且帷幄

之臣不可以弘肇為比

郭威自言職居近密乃帷幄之
臣史弘肇掌侍衛兵所以領節

不可以
為比

九月壬寅徧賜宰相樞密宣徽三司侍衛使九

人與威如一

時宰相三人實貞固蘓逢吉蘓禹珪樞密使楊邠宣徽使王峻吳虔裕三司使王章

侍衛使史弘肇凡八人餘一人則未之知也或者併郭威為九人歟

帝欲特賞威辭曰運

籌建畫出於廟堂發兵饋糧資於藩鎮暴露戰鬥在於將

士而功獨歸臣臣何以堪之乙巳加威兼侍中史弘肇

兼中書令辛亥加實貞固司徒蘇逢吉司空蘇禹珪左

僕射楊邠右僕射諸大臣議以朝廷執政溥加恩恐藩

鎮觖望

觖窺端翻又古亢翻怨望也

乙卯加天雄節度使高行周守

太師山南東道節度使安審琦守太傅泰寧節度使符
彥卿守太保河東節度使劉崇兼中書令己未加忠武
節度使劉信天平節度使慕容彥超平盧節度使劉錡
並兼侍中辛酉加朔方節度使馮暉定難節度使李彝

殷

難乃旦翻

兼中書令冬十月壬申加義武節度使孫方簡

武寧節度使劉贊同平章事壬午加吳越王弘俶尚書
令楚王希廣太尉丙戌加荆南節度使高保融兼侍中
議者以為郭威不專有其功推以分人

推吐雷翻
又如字

信為

美矣而國家爵位以一人立功而覃及天下

單徒舍翻布也廣也

不亦濫乎

吳越王弘俶募民能墾荒田者勿收其稅

由是境內無弃田或請糾民遺丁以增賦

遺丁謂民年已成丁而戶

籍遺漏未嘗當賦役者

仍自掌其事弘俶杖之國門國人皆悅

楚靜江節度使馬希瞻以兄希萼希廣交爭屢遣使諫止不從知終覆族疽發于背丁亥卒契丹寇河北所

過殺掠節度使刺史各嬰城自守遊騎至貝州及鄴都

之北境

按九域志貝州之南三十里即鄴都北界

帝憂之己丑遣樞密使郭

威督諸將禦之以宣徽使王峻監其軍

為王峻佐郭威舉兵向闕張本

十一月契丹聞漢兵渡河乃引去辛亥郭威軍至鄴都

令王峻分軍趣鎮定

趣七喻翻

戊午威至邢州

唐兵度淮

攻正陽

九域志潁州潁上縣有正陽鎮臨淮津

十二月潁州將白福進擊

敗之

敗補遺翻

楊邠為政苛細初邢州人周璨為諸衛將

軍罷秩無依從王景崇西征景崇叛遂為之謀主邠奏

諸前資官喜搖動藩臣

前資官謂官資皆前朝所授者也喜許記翻

宜悉遣

詣京師既而四方雲集日遮宰相馬求官辛卯邠復奏

前資官宜分居兩京以俟有闕而補之漂泊失所者甚

衆

復扶又翻

邠又奏行道往來者皆給過所

盛唐之制天下關二十六度關

者從司門郎中給過所猶漢時度關用傳也宋白曰古書之帛為編刻木為契二物通謂過所也

既而

官司填咽民情大擾乃止趙暉急攻鳳翔周璨謂王

景崇曰公曷與蒲雍相表裏

蒲謂李守貞雍謂趙思綰雍於用翻

今二鎮

已平蜀兒不足恃

王景崇求援於蜀而蜀兵不至故言不足恃

不如降也景

崇曰善吾更思之後數日外攻轉急景崇謂其黨曰事

窮矣吾欲為急計乃謂其將公孫輦張思練曰趙暉精

兵多在城北來日五鼓前爾二人燒城東門詐降勿令
寇入吾與周璟以牙兵出北門突暉軍縱無成而死猶
勝束手皆曰善癸巳未明輦思練燒東門請降府牙火
亦發二將遣人詞之

詞古永翻
又翻正翻

景宗已與家人自焚矣

璟亦降 丁酉密州刺史王萬敢擊唐海州荻水鎮殘

之

金人疆域圖荻水
鎮在海州賴榆縣

是月南漢主如英州

南漢以唐
廣州滇陽

縣之地置英州九域志廣
州北至英州四百二十里


是歲唐泉州刺史留從効

兄南州副使從願酖刺史董思安而代之

晉齊王開運
二年唐改漳

州為南州以董思安為刺史唐之
保大三年也事見二百八十四卷
唐主不能制置清源

軍於泉州以從効為節度使



資治通鑑卷二百八十八

欽定四庫全書

史部

資治通鑑卷二百八十九

九十

詳校官修撰臣錢 榮

洗馬臣王坦修覆勘

總校官知縣臣楊懋珩

校對官主事臣李 棻

謄錄監生臣郭洽怡

欽定四庫全書

資治通鑑卷二百八十九 宋

司馬光 撰

胡三省 音註

後漢紀四

牛章開
後漢紀四
卷一百一十

隱皇帝下

乾祐三年春正月丁未加鳳翔節度使趙暉兼侍中

密州刺史王萬敢請益兵以攻唐

王萬敢去年已殘獲
水鎮今請益兵攻之

詔以前沂州刺史郭瓊為東路行營都部署帥禁軍及

齊州兵赴之

因王萬敢請兵使郭瓊將以赴之道
過青州因以易置劉銖帥讀曰率

郭

威請勒兵北臨契丹之境詔止之

丙寅遣使詣河中

鳳翔收瘞戰死及餓殍遺骸時有僧已聚二十萬矣

瘞于

計翻殍被表翻已聚者二十萬史言其
未聚者尚多大兵攻圍積久其禍如此

唐主聞漢兵

盡平三叛始罷李金全北面行營招討使

唐命李金全
見二百八十

七卷
元年

唐清淮節度使劉彥貞多斂民財以賂權貴權

貴爭譽之在壽州積年

譽音余晉開運元年唐徙劉彥
貞鎮濠州劉崇陵鎮壽州漢乾

祐元年清淮節度使劉彥貞副李金
全北伐未知彥貞以何年徙鎮壽州

恐被代欲以警急

自固妄奏稱漢兵將大舉南伐

義翻 被皮

二月唐主以東都

留守燕王弘冀為潤宣二州大都督鎮潤州寧國節度

使周宗為東都留守

以漢兵大舉弘冀年少恐不能調用打禦周宗為唐祖佐命宿望也

故徙鎮揚州

朝廷欲移易藩鎮因其請赴嘉慶節上壽

五代

會要帝以三月九日為嘉慶節洪邁隨筆曰唐穆宗即位之初年詔曰七月六日是朕載誕之辰其日百寮命婦宜於光順門進名參賀朕於門內與百寮相見明日又勅受賀儀宜停先是左丞韋綬奏行之宰臣以為古無降誕受賀之禮秦罷之然次年復行賀禮誕節之制始于明皇令天下宴集休假三日受賀之事蓋自長慶至今用之也

上時掌翻

許之

甲申郭威行北邊還

去年冬十月郭威北征今

還行下孟翻還
從宣翻又如字

福州人或詣建州告唐永安留後查

文徽云吳越兵已弃城去請文徽為帥

查鉏如翻
帥所類翻

文徽

信之遣劍州刺史陳誨將水軍下閩江

薛史曰李景保
大三年以延平

為劍州析建州之劍浦汀州之沙縣隸馬劍溪上接
建溪下達福唐亦謂之閩江下戶嫁翻將即亮翻

文

徽自以步騎繼之會大雨水漲誨一夕行七百里至城

下敗福州兵

敗補
邁翻

執其將馬先進等庚寅文徽至福州

吳越知威武軍吳程詐遣數百人出迎

吳越未命吳程
為威武節度使

先令知威
武軍事

誨曰閩人多詐未可信也宜立寨徐圖文徽

曰疑則變生不若乘機據其城因引兵徑進誨整衆鳴

鼓止於江湄

湄又悲翻水草之交曰湄詩巧言居河之康註云本作湄水草交也

文徽不

為備程勒兵出擊之唐兵大敗文徽墜馬為福人所執

士卒死者萬人誨全軍歸劔州程送文徽於錢唐吳越

王弘俶獻於五廟而釋之

俶昌六翻吳越用諸侯之制立五廟

丁亥汝

州奏防禦使劉審交卒吏民詣闕上書以審交有仁政

乞留葬汝州得奉事其丘壟詔許之

上時掌翻

州人相與聚

哭而葬之為立祠歲時享之

為于偽翻

太師馮道曰吾嘗為

劉君僚佐

按歐史劉審交燕人劉守光之僭號以審交為兵部尚書馮道守光為參軍嘗為僚佐

必是觀其為政無以踰人非能減其租稅除其繇役也

繇讀曰徭但推公廉慈愛之心以行之耳此亦衆人所能為

但它人不為而劉君獨為之故汝人愛之如此使天下

二千石皆效其所為何患得民不如劉君哉

五代之諸州防禦使

曾未足以當漢郡守二千石後人時以專城分守故稱之

甲午吳越丞相昭化節

度使趙匡贊為左驍衛上將軍

趙匡贊自長安入朝見二百八十七卷高祖乾

祐元年

三月丙午嘉慶節鄴都留守高行周天平節度

使慕容彥超泰寧節度使符彥卿昭義節度使常思安

遠節度使楊信安國節度使薛懷讓成德節度使武行

德彰德節度使郭謹保大留後王饒皆入朝

許之起嘉慶節上壽

故皆入朝

甲寅詔營寢廟於高祖長陵世祖原陵以時致

祭有司以費多寢其事以至國亡二陵竟不需一奠

是年

十一月郭威入大梁十二月將士扶立以時致祭之詔有司既停寢不行六七月之間宜乎不需一奠也

壬戌徙高行周為天平節度使符彥卿為平盧節度使

甲子徙慕容彥超為泰寧節度使永安節度使折從

阮舉族入朝

折從阮自府州入朝

夏四月戊辰朔徙薛懷讓為

匡國節度使庚午徙折從阮為武勝節度使

按五代會要周廣順

二年三月始改鄧州威勝軍為武勝軍避周太祖名也史以後來所改軍名而書之耳

壬申徙楊

信為保大節度使徙鎮國節度使劉詞為安國節度使

永清節度使王令溫為安遠節度使李守貞之亂王饒

潛與之通

王饒潛以郿州與河中通

守貞平衆謂饒必居散地

兄散之官

為散地散悉但朝

及入朝厚結史弘肇遷護國節度使聞者駭

之

駭其不惟免罪又得大鎮

楊邠求解樞密使帝遣中使諭止之

宣徽北院使吳虔裕在旁曰

吳虔裕時蓋在楊郛旁

樞密重地難

以久居當使後來者迭為之相公辭之是也帝聞之不

悅辛巳以虔裕為鄭州防禦使朝廷以契丹近入寇

橫行河北諸藩鎮各自守無捍禦之者

市見上卷上年十月議以

郭威鎮鄴都使督諸將以備契丹史弘肇欲威仍領樞

密使蘇逢吉以為故事無之

言故事無帶樞密使出鎮者

弘肇曰領

樞密使則可以便宜從事諸軍畏服號令行矣帝卒從

弘肇議

辛子恤翻

弘肇怨逢吉異議逢吉曰以內制外順也

今反以外制內其可乎壬午制以威為鄴都留守天雄
節度使樞密使如故仍詔河北兵甲錢穀但見郭威文
書立皆稟應明日朝貴會飲於賓貞固之第弘肇舉大

觴屬威

屬之欲翻

厲聲曰昨日廷議一何同異今日為弟飲

之

史弘肇呼郭威為弟為于偽翻

逢吉楊邠亦舉觴曰是國家之事何

足介意弘肇又厲聲曰安定國家在長槍大劔安用毛

錐王章曰無毛錐則財賦何從可出

毛錐謂筆也以束毛為筆其形如錐

也王章為三司使實掌財賦故云然

自是將相始有隙 癸未罷永安軍

復以府州
隸河東也

壬辰以左監門衛將軍郭榮為貴州刺史

天雄牙內都指揮使

貴州時屬南漢宋白曰貴州故西
甌落越之地秦雖立桂林郡仍有

甌駱之名漢武帝改桂林為鬱林郡梁武帝以鬱林郡
為桂州後割杜州之鬱林寧浦立定州尋改為南定州

隋改南定州為尹州唐改貴州漢以郭

榮遙領刺史而其職則天雄牙將也

榮本姓柴

考異曰世

宗實錄曰太祖皇帝之長子也母曰聖穆皇后柴氏以

唐天祐十八年九月二十四日丙午生于邢臺之別墅

薛史世宗紀云太祖之養子蓋聖穆皇后之姪也本姓

柴氏父守禮太子少保致仕帝未童冠因侍聖穆皇后

在太祖左右時太祖無子乃養為己子按今舉世皆知

世宗為柴氏子謂之柴世宗而世宗實錄云太祖長子

誣亦父守禮郭威之妻兄也威未有子時養以為子

郭忠矣

始見於此

五月己亥以府州蕃漢馬步都指揮使折德辰

為本州團練使

前此置永安軍於府州以寵折從阮也今從阮移鎮其子德辰守府州資序未

至而府州被邊一城之地耳故降為團練使其後復以為節鎮以寵折民德辰從阮之子也

庚子郭威辭行言於帝曰太后從先帝久多歷天下

事陛下富於春秋有事宜稟其教而行之親近忠直放

遠讒邪

近其斯翻遠于願翻

善惡之間所宜明審蘇逢吉楊邠史

弘肇皆先帝舊臣盡忠徇國願陛下推心任之必無敗

矣

郭威言及此蓋已知帝之信近習而問勲舊也

至於疆場之事臣願竭其愚

駕

駕音奴

庶不負驅策帝斂容謝之威至鄴都以河北因

弊戒邊將謹守疆場嚴守備無得出侵掠契丹入寇則

堅壁清野以待之

兵法所謂先為不可勝以待敵之可勝也

辛丑敕防禦

團練使自非軍期無得專奏事皆先中觀察使斟酌以

聞

言軍期事須朝廷應副則不及聞於廉使許得專達朝廷如尋常公事須先中本管斟酌以聞

丙

午以皇弟山南西道節度使承勲為開封尹加兼中書

令實未出閣

年尚幼且有羸疾也山南西道時為蜀境

平盧節度使劉銖

貪虐恣橫

橫戶翻

朝廷欲徵之恐其拒命因沂密用兵於

唐遣沂州刺史郭瓊將兵屯青州

歐史作郭淮攻南唐還以兵屯青州

銖

不自安置酒召瓊伏兵幕下欲害之瓊知其謀悉屏左

右從容如會了無懼色

屏必郭翻又卑正翻從千容翻

銖不敢發瓊因

諭以禍福銖感服詔至即行庚戌銖入朝辛亥以瓊為

潁州團練使 癸丑王章置酒會諸朝貴酒酣為手勢

令

會飲而行酒令以佐歡唐末之俗也潁說曰亞其虎

鷹大指也以鉤戰差玉柱之旁鉤戰頭指玉柱中指也

潛虬闊玉柱三分潛虬無名指也奇兵闊潛虬一寸奇

兵小指也死其三洛謂髀其腕也生其五拳五拳通

呼五指也謂之招手令蓋亦手勢令之類也乎哉

史

弘肇不開其事

言不素習其事

客省使閤晉卿坐次弘肇屢教

之蘇逢吉戲之曰旁有姓閤人何憂罰爵

壺射之事不勝者罰爵自

古有之行令則末世之為耳

弘肇妻閤氏本酒家倡也

倡音昌酒家倡善為酒令

意逢吉譏之大怒以醜語詬逢吉

詬古侯翻又許侯翻

逢吉不應

弘肇欲毆之逢吉起去弘肇索劍欲追之

毆烏口翻楊索山容翻

邠泣止之曰蘇公宰相公若殺之置天子何地願孰思

之孰與

熟同

弘肇即上馬去邠與之聯鑣送至其第而還

上時

字翻鑣悲驕翻馬銜也還從宣翻又如字

於是將相如水火矣帝使宣徽使

王峻置酒和解之不能得逢吉欲求出鎮以避之既而

中止曰吾去朝廷止煩史公一處分吾蘼粉矣王章亦

怱怱不樂

處昌呂翻分扶問翻
齋戕西翻樂音洛

欲求外官楊史固止之

閏月宮中數有怪癸巳大風發屋拔木吹鄭門扉起

十餘步而落震死者六七人水深平地尺餘

數所角翻
鄭門大梁

城西面南來第一門也梁改為開明門晉改為金義
門周改為迎秋門汴人只以舊門名呼之深式集翻

召司天監趙延乂問以禳祈之術對曰臣之業在天文

時日禳祈非所習也然王者欲弭災異莫如修德延乂

歸帝遣中使問如何為修德延又對請讀貞觀政要而

灋之

觀古
玩翻

六月河決鄭州

歐史曰六月癸卯河決原武按原武縣屬鄭州九域

志云原武縣在鄭
州之北六十里

馬希萼既敗歸

僕射洲之敗也市
見上卷上年八月

乃以書誘辰淑州及梅山蠻

誘音酉淑音叙宋白日潭
州西有梅山洞為草寇之

窟欲與共擊湖南蠻素聞長沙帑藏之富

帑它朗翻
藏徂浪翻大

喜爭出兵赴之遂攻益陽

益陽縣屬潭州漢古縣城在
唐縣東八十里九域志益陽

在潭州西北一百八十二里宋白曰以
其地在益水之陽故名其城魯肅所築

楚王希廣遣指

揮使陳璠拒之戰於淹溪璠敗死

璠音
翻

秋七月唐歸

馬先進等於吳越以易查文徽

馬先進等被擒見上二月查文徽亦以是月為

吳越所禽

馬希萼又遣羣蠻攻迪田八月戊戌破之殺其

鎮將張延嗣楚王希廣遣指揮使黃處超救之處超敗

死

處昌翻

潭人震恐復遣牙內指揮使崔洪璉將兵七千

屯玉潭

九域志潭州湘鄉縣有玉潭鎮在潭州西復扶又翻

庚子蜀主立其弟

仁毅為夔王仁贄為雅王仁裕為彭王仁操為嘉王已

酉立子玄詰為秦王

詰音哲

玄珏為褒王

晉李太后在

建州

契丹遷晉主及其家于建州見上卷上年三月

臥病無醫藥惟與晉主仰

天號泣

號戶翻

戟手罵杜重威李守貞曰吾死不置汝

其

降契丹而亡晉也事見二百八十六卷開運二年

戊午卒周顯德中有自契丹

來者云晉主及馮后尚無恙其從者亡歸及物故則過

半矣

恙余亮翻從才用翻邁音戈

馬希萼表請別置進奏務於京

師九月辛巳詔以湖南已有進奏務不許亦賜楚王希

廣詔勸以敦睦

馬希萼以朝廷意佑楚王希廣怒遣

使稱藩於唐乞師攻楚唐加希萼同平章事以鄂州今

年租稅賜之命楚州刺史何敬洙將兵助希萼冬十月

丙午希廣遣使上表告急言荆南嶺南江南連謀欲分

湖南之地

荆南高氏嶺南劉氏江南李氏

乞發兵屯澧州以扼江南荆

南援朗州之路

江南遣兵援朗道出岳州岳州西至澧州三百餘里荆南遣兵援朗徑度江南

趣澧州亦三百里自澧州東南至朗州三百五十九里

丁未以吳越王弘倣為

諸道兵馬元帥

楚王希廣以朗州與山蠻入寇諸將

屢敗憂形於色劉彥瑫言於希廣曰朗州兵不滿萬馬

不滿千都府精兵十萬

朗桂以潭州為都府

何憂不勝願假臣兵

萬餘人戰艦百五十艘

艦戶點翻艘蘇遣翻

徑入朗州縛取希萼

以解大王之憂王悅以彥瑫為戰棹都指揮使朗州行

營都統彥瑫入朗州境

九域志潭州北至朗州界二百一十七里

父老爭以

牛酒犒軍曰百姓不願從亂望都府之兵久矣彥瑫厚

賞之戰艦過則運竹木以斷其後

斷音短

是日馬希萼遣

朗兵及蠻兵六千戰艦百艘逆戰於湄州

歐史作湄州

彥瑫

乘風縱火以焚其艦頃之風回反自焚彥瑫還走江路

已斷

自斷歸路則當死戰還走何為

士卒戰及溺死者數千人

曰湖湘考異

故事彥瑫敗在九月十三日今從十國紀年

希廣聞之涕泣不知所為希廣

平日罕頒賜至是大出金帛以取悅於士卒或告天策

左司馬希崇流言惑衆反狀已明請殺之希廣曰吾自

害其弟何以見先王於地下

希崇與希萼通謀者也當斷不斷反受其亂希廣之

亡宜馬軍指揮使張暉將兵自它道擊朗州至龍陽龍陽

縣屬朗州隋所置也取龍陽州以名縣九域志在朗州東南八十五里宋白曰龍陽故漢索縣地吳分其地立

龍陽縣開彥瑫敗退屯益陽希萼又遣指揮使朱進忠等

將兵三千急攻益陽張暉紿其衆曰我以麾下出賊後

汝輩留城中待我相與合勢擊之既出遂自竹頭市遁

歸長沙朗兵知城中無主急擊之士卒九千餘人皆死

吳越王弘俶歸查文徽於唐文徽得瘖疾以工部尚

書致仕

史言唐不能正查文徽敗軍之罪瘖於今翻

十一月甲子朔日有

食之

蜀太師中書令宋忠武王趙廷隱卒 楚王希

廣遣其僚屬孟駢說馬希萼曰公忘父兄之讐北面事

唐

自馬殷以來與楊徐世為仇讐說式為翻

何異袁譚求救於曹公邪

事見六十

四卷漢獻帝建安八年

希萼將斬之駢曰古者兵交使在其間

春秋

左氏傳之言使疏吏翻

駢若愛死安肯此來駢之言非私於潭人

實為公謀也

偽為于翻

乃釋之使還報曰大義絕矣非地下

不相見也朱進忠請希萼自將兵取潭州辛未希萼留

其子光贊守朗州悉發境內之兵趣長沙

趣七喻翻考異曰湖湘

故事希萼以十月二十一日直往湖南今從十國紀年

自稱順天王

詔侍衛步

軍都指揮使寧江節度使王殷將兵屯澶州以備契丹

侍衛親軍都指揮使之下又有侍衛馬軍步軍二都指揮此皆梁唐所置寧江軍夔州時屬蜀王殷遙領也

殷瀛州人也朝廷議發兵以安遠節度使王令溫為

都部署以救潭州會內難作不果

內難謂殺楊邠等以召郭威之禍難乃旦

翻

帝自即位以來樞密使右僕射同平章事楊邠總

機政樞密使兼侍中郭威主征伐歸德節度使侍衛親

軍都指揮使兼中書令史弘肇典宿衛三司使同平章

事王章掌財賦邠頗公忠退朝門無私謁雖不却四方

饋遺有餘輒獻之

遺唯季翻

弘肇督察京城道不拾遺是時

承契丹蕩覆之餘

契丹入汴中原蕩覆契丹北歸漢承其後

公私困竭章据

撫遺利吝於出納以實府庫屬三叛連衡

据居運翻撫之石翻屬之

欲翻三叛謂李守貞王景崇趙思綰衡讀曰橫

宿兵累年而供饋不乏及事平

賜予之外尚有餘積

予讀曰與積子賜翻

以是國家粗安

粗坐五翻

章

聚斂刻急

斂力瞻翻

舊制田稅每斛更輸二升謂之雀鼠耗

章始令更輸二斗謂之省耗

按唐明宗天成元年四月赦文應納夏秋稅子先有

省耗每斗一升今後祇納正稅數不量省耗如此則天成已前已有省耗每斛更輸一斗天成罷輸之後至漢

興王章復令輸省耗而又倍舊數取之也

舊錢出入皆以八十為陌章始令

入者八十出者七十七謂之省陌

沈括曰今之數錢百錢謂之陌者借陌字

用之其實只是百字如什與伍耳唐自皇

有犯鹽礬酒

背鑄為塾錢法至昭宗時乃定八十為陌

有犯鹽礬酒

麴之禁者錙銖涓滴罪皆死

鹽禁之設久矣酒之為禁或罷或推歷代不常自唐

中世始申權酒之禁及其末也又禁造麴至於禁禁新舊府者食貨志皆未著言其事是必起於五代之初本草圖經曰礬石生河西山谷及隴西武都石門今白礬則晉州慈州拱州無為軍綠礬則隰州溫泉縣池州銅陵縣並煎礬處處出焉初生皆石也採得碎之煎煉乃成礬凡有五種其色各異謂白礬綠礬黃礬黑礬絳礬也自此伯至陶隱居之苦皆言之由是百姓愁怨章尤不喜文臣嘗曰

此輩授之握筭不知縱橫

喜許記翻
縱子容翻

何益於用俸祿皆

以不堪資軍者給之吏已高其估章更增之

估價也

帝左

右嬖倖浸用事

嬖卑義翻
又博計翻

太后親戚亦干預朝政

朝直達翻

邠等屢裁抑之太后有故人子求補軍職弘肇怒而斬

之武德使李業太后之弟也

太后昆弟七人業最幼故尤憐之

高祖使

掌內帑

帑底朗翻

帝即位尤蒙寵任會宣徽使闕業意欲之

吳虔裕出鄭州闕宣徽北院使

帝及太后亦諷執政邠弘肇以為內使

遷補有次不可以外戚超居乃止內客省使閻晉卿次

當為宣徽使久而不補樞密承旨聶文進飛龍使後匡

贊翰林茶酒使郭允明皆有寵於帝久不遷官共怨執

政

姓諧後姓望出東海開封

文進并州人也劉銖罷青州歸久奉朝

請未除官常戟手於執政

是年夏五月劉銖自青州召歸戟手者戟其手而詬怨之

帝初除三年喪聽樂賜伶人錦袍玉帶伶人詣弘肇謝

弘肇怒曰士卒守邊苦戰猶未有以賜之汝曹何功而

得此皆奪以還官帝欲立所幸耿夫人為后邠以為太

速夫人卒帝欲以后禮葬之邠復以為不可

復扶又翻

帝年

益壯厭為大臣所制邠弘肇嘗議事於帝前帝曰審圖

之勿令人有言邠曰陛下但禁聲

禁聲謂禁口勿言使不出聲也

有臣

等在帝積不能平左右因乘間譖之於帝

間古覓翻

云邠等

專恣終當為亂帝信之嘗夜聞作坊鍛聲

作坊造兵甲之所作坊使

領之鍛都玩翻
鍛鐵以為兵甲

疑有急兵達旦不寐司空同平章事蘇

逢吉既與弘肇有隙知李業等怨弘肇屢以言激之帝

遂與業文進匡贊允明謀誅邠等議既定入白太后太

后曰茲事何可輕發更宜與宰相議之業時在旁曰先

帝嘗言朝廷大事不可謀及書生懦怯誤人太后復以

為言

史言殺邠等非太
后之意復扶又翻

帝忿曰國家之事非閭門所知

拂衣而出乙亥業等以其謀告閤晉卿晉卿恐事不成

詣弘肇第欲告之弘肇以它故辭不見

使閤晉卿得見
史弘肇則李業

等之死不待郭威之入也天方授郭威故丙子旦邠等
史弘肇等先死以除其偏豈特人事哉

入朝有甲士數十自廣政殿出殺邠弘肇章於東廡下

廡周南翻按薛史晉天福四年二月辛卯改東京玉華
殿為永福殿周顯德四年新修永福殿改為廣政殿此
蓋以後來文進亟召宰相朝臣班于崇元殿宣云邠等
殿名書之

謀反已伏誅與卿等同慶又召諸軍將校至萬歲殿庭

五代會要梁開平元年改汴京正衙殿為崇元殿東殿
為玄德殿萬歲堂為萬歲殿晉天福二年八月改玄德
殿為廣政殿將即帝親諭之且曰邠等以穉子視朕朕
亮翻校戶教翻

今始得為汝主汝輩免橫憂矣皆拜謝而退

穉直利翻
橫戶孟翻

又召前節度使刺史等升殿諭之分遣使者帥騎收捕
邠等親戚黨與僣從盡殺之

帥讀曰率騎奇寄翻
僣苦念翻從才用翻

弘肇

待侍衛步軍都指揮使王殷尤厚邠等死帝遣供奉官

孟業齎密詔詣澶州及鄴都令鎮寧節度使李洪義殺

殷又令鄴都行營馬軍都指揮使郭崇威步軍都指揮

使真定曹威殺郭威及監軍宣徽使王峻洪義太后之

弟也又急詔徵天平節度使高行周平盧節度使符彥

卿永興節度使郭從義泰寧節度使慕容彥超匡國節

度使薛懷讓鄭州防禦使吳虔裕陳州刺史李穀入朝

急徵諸帥欲其以從兵衛宮闕李穀一刺史耳而亦預徵入朝之數必其智略聞於時也以蘇逢吉

權知樞密院事前平盧節度使劉銖權知開封府侍衛

馬軍都指揮使李洪建權判侍衛司事內侍省使閤晉

卿權侍衛馬軍都指揮使

內侍省當作內客省

洪建業之兄也時

中外人情憂駭

駭其變起於倉猝而憂禍至之無日也

蘇逢吉雖惡弘肇

以弘肇誦怒逢吉欲殺之故惡之也惡烏路翻

而不預李業等謀聞變驚愕私

謂人曰事太忽忽

忽忽急遽不審諦之意

主上儻以一言見問不

至於此業等命劉銖誅郭威王峻之家銖極其慘毒嬰

孺無免者

嬰嬰兒鄭玄曰嬰猶驚溺也孺乳子飲乳之子也

命李洪建誅王殷

之家洪建但使人守視仍飲食之

飲於禁翻食祥吏翻

丁丑使者

至澶州李洪義畏懦慮王殷已知其事不敢發乃引孟

業見殷殷囚業遣副使陳光穗以密詔示郭威威詔樞

密使魏仁浦示以詔書曰柰何仁浦曰公國之大臣功

名素著加之握彊兵據重鎮一旦為羣小所搆禍出非

意此非辭說之所能解

解佳買翻釋也說也

時事如此不可坐而

待之

勸之舉兵也歐史曰威匿詔書召樞密院吏魏仁浦謀於臥內仁浦勸威反倒用留守印更為詔書

詔威誅諸將校以激怒之將校皆憤然效用竊意歐史必有所本通鑑所書必本於周史周臣為其君諱復為

魏仁浦
緣飾耳

威乃召郭崇威曹威及諸將告以楊邠等冤死

及有密詔之狀且曰吾與諸公披荆棘從先帝取天下

受託孤之任竭力以衛國家今諸公已死吾何心獨生

君輩當奉行詔書取吾首以報天子庶不相累

累力
瑞翻郭

崇威等皆泣曰天子幼冲此必左右羣小所為若使此

輩得志國家其得安乎崇威願從公入朝自訴盪滌鼠

輩以清朝廷不可為單使所殺受千載惡名翰林天文

趙修已謂郭威曰公徒死何益不若順衆心擁兵而南

此天啟也

趙修已諫李守貞而勸郭威自信其術也

郭威乃留其養子榮鎮

鄴都命郭崇威將騎兵前驅戊寅自將大軍繼之

將即亮翻

慕容彥超方食得詔捨匕筯入朝帝悉以軍事委之

九城

志兗州至大梁六百里慕容彥超三日而至自以於先帝同產之親急於赴闕而不知其才智之不足以濟也

已卯吳虔裕入朝

九城志鄭州至大梁一百四十里

帝聞郭威舉兵南

向議發兵拒之前開封尹侯益曰鄴都戍兵家屬皆在

京師官軍不可輕出不若閉城以挫其鋒使其母妻登

城招之可不戰而下也慕容彥超曰侯益衰老為懦夫

計耳帝乃遣益及閭晉卿吳虔裕前保大節度使張彥

超將禁軍趣澶州

趣七喻翻

是日郭威已至澶州

魏州南至澶州一百

五十里兩日而至欲掩漢之未備

李洪義納之王殷迎謁慟哭以所部

兵從郭威涉河帝遣內養驚脫覘郭威威獲之

驚力鍾翻又盧

紅翻歐史作驚亦音龍

考異曰隱帝實錄丁丑孟業

至澶州戊寅鄰兵至河上巳卯吳虔裕入朝庚辰詔侯

益等赴澶州守捉鄰軍獲驚脫又云庚辰郭諱次滑州

宋延渥納軍卒已驚脫還官薛史隱帝紀丁丑李洪義

得密詔遣陳光穗至鄴都翌日郭威以衆南行戊寅至澶州庚辰至滑州是日詔侯益等赴澶州守捉餘與實錄同周太祖實錄十四日陳光穗至翌日遵路明日遇驚脫云見召侯益等令守澶州十六日趣滑臺十七日實諸軍令奉行前詔十八日自滑而南薛史周太祖紀十六日至澶州獲驚脫十七日至滑州餘與實錄同按丁丑十四日也若十七日始詔侯益赴澶州則十六日郭威獲驚脫何故已見之也蓋帝遣侯益赴澶州必在十六日驚脫行在遣益之後今從薛史周太祖紀以表置驚脫衣領中使歸白

帝曰臣昨得詔書延頸俟死郭崇威等不忍殺臣云此皆陛下左右貪權無厭者譖臣耳

厭於
並翻

逼臣南行詣闕

請罪臣求死不獲力不能制臣數日當至闕庭陛下若

以臣為有罪安敢逃刑若實有譖臣者願執付軍前以快衆心臣敢不撫諭諸軍退歸鄴都庚辰郭威趣滑州

澶州西南至滑州一百餘里趣七喻翻 辛巳義成節度使宋延渥迎降考

異曰隱帝實錄十一月丙子誅楊史丁丑孟業至澶州王殷銅葉送郭威即日首塗戊寅至河上見王殷庚辰次滑州周太祖實錄云十三日夜太祖夢入朝見至詰旦以夢示峻是日陳洪穗至鄴都是十四日丁丑也翌日為衆所迫遵路十五日戊寅也明日行次遇驚脫欲往澶州十六日己卯也下文又云十六日趣滑臺按大梁至澶州二百七十里澶州至鄴都一百四十里至滑州百二十里不應往還如是之速漢周實錄首塗與至滑州日不同蓋十六日趣滑州十七日延渥洛陽人其妻晉

高祖女永寧公主也郭威取滑州庫物以勞將士

勞力到翻

且諭之曰聞侯令公已督諸軍自南來

侯益兼中書令故稱之為令公

今遇之交戰則非入朝之義不戰則為其所屠吾欲全

汝曹功名不若奉行前詔吾死不恨

郭威以此觀衆心向背耳

皆曰

國家負公公不負國所以萬人爭奮如報私讐侯益輩

何能為乎王峻徇於衆曰我得公處分侯克京城聽旬

日剽掠衆皆踴躍

處昌呂翻分扶問翻剽匹妙翻許士卒以剽掠之利以濟其私可以得而

不可長守也

辛巳驚脫至大梁前此帝議欲自往澶州聞

郭威已至河上而止帝甚有悔懼之色私謂竇貞固曰

屬者亦太草草

屬之欲翻屬者猶言頃者也草草亦言率爾欠審諦商量之意

李業等

請空府庫以賜諸軍蘇禹珪以為未可業拜禹珪於帝

前曰相公且為天子勿惜府庫

為於偽翻下當為同

乃賜禁軍人

二十緡下軍半之將士在北者給其家使通家信以誘

之

誘音酉

壬午郭威軍至封丘人情怵懼太后泣曰不用

李濤之言宜其亡也

李濤之言見上卷元年

慕容彥超恃其驍勇

言於帝曰臣視北軍猶蟻蠆耳

爾雅註蟻蠆翳蒙之所生一名醯雞孫炎曰此

蟲微細羣飛列子曰蟻蟻生朽壤之上因雨而生當為
覬陽而死莊子謂之醯雞蟻莫結胡蝶真孔翻

陛下生致其魁偽翻退見聶文進問北來兵數及將校

姓名頗懼曰是亦劇賊未易輕也將即亮翻校戶帝復

遣左神武統軍袁義前威勝節度使劉重進等帥禁軍

與侯益等會屯赤岡義象先之子也復扶又翻義宜崎

先梁將也彥超以大軍屯七里店癸未南北軍遇於劉

子陂劉子陂在封丘帝欲自出勞軍勞力太后曰郭威

吾家故舊非死亡切身何以至此但按兵守城飛詔諭

之觀其志趣必有辭理則君臣之禮尚全慎勿輕出帝

不從

使帝從太后之言雖不能保其往猶未至於野死也

時扈從軍甚盛

從才用翻下從

同官太后遣使戒聶文進曰大須在意對曰有臣在雖郭

威百人可擒也至暮兩軍不戰帝還宮慕容彥超大言

曰陛下來日宮中無事幸再出觀臣破賊臣不必與之

戰但叱散使歸營耳甲申帝欲再出太后力止之不可

既陳

陳讀曰陣

郭威戒其衆曰吾來誅羣小非敢敵天子也

慎勿先動久之慕容彥超引輕騎直前奮擊郭崇威與

前博州刺史李榮帥騎兵拒之

騎奇寄翻
帥讀曰率

彥超馬倒

幾獲之

幾居
依翻

彥超引兵退麾下死者百餘人於是諸軍

奪氣稍稍降於北軍侯益吳虔裕張彥超袁義劉重進

皆潛往見郭威威谷遣還營又謂宋延渥曰天子方危

公近親宜以牙兵往衛乘輿且附奏陛下願乘間早幸

臣營

宋延渥主壻故云近親
牙兵謂延渥所
領義成牙兵也衛乘輿
證翻問古克翻

延渥未至

御營亂兵雲擾不敢進而還

還從宣翻
又如字

比暮南軍多歸

於北

比必利
翻及也

慕容彥超與麾下十餘騎奔還兗州是夕

帝獨與三相及從官數十人宿於七里寨餘皆逃潰

相三

實貞固蘇逢吉禹珪七里寨即慕容彥超所屯七里店寨

乙酉旦郭威望見天子旌

旗在高阪上下馬免胄往從之至則帝已去矣帝策馬

將還宮至玄化門

玄化門大梁城北而東來第一門也木酸東門梁開平元年改曰興和門

晉天福三年改曰玄化門

劉銖在門上問帝左右兵馬何在因射左

右劉銖之射左右其意何為射而亦翻

帝回轡西北至趙村追兵已至帝

下馬入民家為亂兵所弑

考異曰實錄帝至玄化門劉銖射帝左右帝迴詣西北

郭允明露刃隨後西北至趙村前鋒已及亂兵騰沸上懼下馬入於民室郭允明知事不濟乃抽刃犯蹕而崩

薛火隱帝紀郭允明知事不濟乃刺刃於帝而崩允明
自殺周太祖紀云允明弑漢帝于北郊劉恕曰允明帝
所親信何由弑逆蓋郭威兵殺帝事成之後諱之因允
明自殺歸罪耳按弑帝未必是允明但莫知為誰故止
云亂

蘇逢吉閻晉卿郭允明皆自殺聶文進挺身走軍

士追斬之李業奔陝州

九域志大梁至陝州六百五十里李業欲依其兄耳陝失冉

翻後匡贊奔兗州

欲依慕容彦超也

郭威聞帝遇弑號慟曰老

夫之罪也

號戶翻

威至玄化門劉銖雨射城外

雨射者射矢如雨也

威自迎春門入歸私第

迎春門汴城東而北來第一門也木名曹門梁開平元年改曰

建陽門晉天福三年改曰迎春門

遣前曹州防禦使何福進將兵守明

德門諸軍大掠通夕煙火四發軍士入前義成節度使

白再榮之第執再榮盡掠其財既而進曰某等昔嘗趨

走麾下一旦無禮至此何面目復見公

復扶又翻

遂刎其首

而去

以白再榮真定之虐今懼此禍抑天道也勿武粉翻

吏部侍郎張允家貲以

萬計而性吝雖妻亦不之委常自繫衆鑰於衣下行如

環珮是夕匿於佛殿藻井之上

風俗通云殿堂象東井刻為荷菱荷菱水物所

以厭火杜佑曰漢宮殿率號屋仰為井皆畫水藻蓮菱之屬以厭火何晏景福殿賦繚以藻井編以絳疏又王文考靈光殿賦圓澗方井反植荷渠葢為方井而登者蓋藻其上也陸佃埤雅曰屋上覆檼謂之藻井

沒多板壞而墜軍士掠其衣遂以凍卒

卒子恤翻

初作坊使

賈延徽有寵於帝與魏仁浦為隣欲併仁浦所居以自

廣屢譖仁浦於帝幾至不測

言幾至于死也幾居依翻

至是有擒延

徽以授仁浦者仁浦謝曰因亂而報怨吾所不為也郭

威聞之待仁浦益厚右千牛衛大將軍棗彊趙鳳曰郭

侍中舉兵欲誅君側之惡以安國家耳而鼠輩敢爾乃

賊也豈侍中意邪執弓矢踞胡床坐於巷首掠者至輒

射殺之里中皆賴以全

射而亦翻

丙戌獲劉銖李洪建囚之

考異曰五代史闕文周祖自鄴起兵銖盡誅周祖之家子孫婦女十數人極其慘毒及隱帝遇害周祖以漢太后令收銖下獄使人責銖殺其家對曰銖為漢家戮叛族耳不知其他威怒殺之王禹偁曰周世宗朝史官修漢隱帝實錄銖之忠言諱而不載銖今有子孝和推進士第按銖所至貪婪酷虐在青州謀不受代禍郭瓊諭之始入朝私怨楊史狀其就戮隱帝敗歸射而不納使至野死其屠滅周祖之家出於殘忍之性耳豈忠義之士邪王禹偁所記蓋憑孝和之言耳今不取

銖謂其妻曰我死汝止為人婢

乎妻曰以公所為雅當然耳王殷郭崇威言於郭威曰

不止剽掠

剽匹
妙翻

今夕止有空城耳威乃命諸將分部禁

止掠者不從則斬之

分扶
問翻

至晡乃定實貞固蘇禹珪自

七里寨逃歸郭威使人訪求得之尋復其位貞固為相

值楊史弄權

楊邠史弘肇

李業等作亂但以凝重處其間自

全而已

處昌呂翻下處分同

郭威命有司遷隱帝梓宮於西宮或

請如魏高貴鄉公故事葬以公禮

高貴鄉公事見卷七十魏元帝景元元

年威不許曰倉猝之際吾不能保衛乘輿

乘輿證翻

罪已大

矣況敢貶君乎太師馮道帥百官謁見郭威

帥讀曰威率下同

見猶拜之道受拜如平時

考異曰五代史闕文周祖入京師百官謁之周祖見道

猶設拜意道便行推戴道受拜如平時徐曰侍中此行不易周祖氣沮故禪代之謀稍緩按周祖舉兵既克京

城所以不即為帝者蓋以漢之宗室崇在河東信在許
州贊在徐州若遽代漢慮三鎮舉兵以興復為辭則中
外必有響應者故陽稱輔立宗子信素庸愚不足畏贊
乃崇子故迎贊而立之使兩鎮息謀俟其離徐已遠去
京稍近然後併信除之則三鎮去其二矣然後自立則
所與為敵者唯崇而已此其謀也豈馮道受拜之所能
沮乎道之所以受拜如平徐曰侍中此行不易易以丁
時者正欲示器宇凝重耳

亥郭威帥百官詣明德門起居太后且奏稱軍國事殷

請早立嗣君太后誥稱郭允明弒逆

太后之誥云然郭威之志也此事考

異已辯神器不可無主河東節度使崇忠武節度使信

皆高祖之弟武寧節度使贊開封尹勲高祖之子其令

百官議擇所宜贊崇之子也高祖愛之養視如子

路振九國

志劉崇之長子曰贊少慧點高祖憐之錄為己子贊字倫翻

郭威王峻入見太后於

萬歲宮

按薛史唐莊宗同光二年以太后宮為長壽宮晉漢蓋以為萬歲宮也或曰因萬歲殿為名見

賢通翻

請以勲為嗣太后曰勲久羸疾不能起

羸倫為翻

威出

諭諸將諸將請見之太后令左右以臥榻舉之示諸將

諸將乃信之於是郭威與峻議立贊己丑郭威帥百官

表請以贊承大統太后誥所司擇日備藻駕迎贊即皇

帝位郭威奏遣太師馮道及樞密直學士王度祕書監

趙上交詣徐州奉迎

考異曰周太祖實錄已丑太祖
秦遣前太師馮道往彼諭旨太祖

將奉表於徐州未知所遣樞密直學士王度請行許之
宰臣下察表祕書監趙上交齎詔同日首塗五代史闕
大周祖請道詣徐州冊湘陰公為漢嗣道曰侍中由衷
乎周祖設誓道曰莫教老夫為謬語人及行謂人曰平
生不謬語今為謬語人矣王禹偁曰周世宗朝詔史臣
修周祖實錄故道之事迹所宜諱矣按道廉智自將陽
愚遠禍恐不肯觸周祖未發之機其徒欲歸美而云耳
又隱帝實錄云初議立徐帥太后遣中使馳諭劉崇請
崇入繼大位崇知立其子上郭威之討三叛也

事見上
卷元年

二年每見朝廷詔書處分軍事皆合機宜問使者誰為此
詔使者以翰林學士范質對威曰宰相器也入城訪求

得之甚喜時大雪威解所服紫袍衣之

衣于既翻

令草太后

語令迎新君儀注蒼黃之中討論撰定皆得其宜

蒼黃者猝

遽之狀論盧昆翻撰士免翻

初隱帝遣供奉官押班陽曲張承德賜

昭義節度使常思生辰物

供奉官押班供奉官之長也生辰物謂聖節回賜

永

德郭威之壻也會楊邠等誅密詔思殺承德思素聞郭

威多奇異囚承德以觀變及威克大梁思乃釋承德而

謝之庚寅郭威帥百官上言比皇帝到闕動涉浹旬

必比

利翻十日為浹旬徐州至大梁七百里郭威計程言之也

請太后臨朝聽政

考異曰周太

祖實錄云太后自臨朝令稱制隱帝實錄
自是至國亡止稱諸今從之朝直遙翻

先是馬希

萼遣蠻兵圍玉潭朱進忠引兵會之崔洪璉兵敗奔還

長沙

馬希廣遣崔洪璉屯玉潭事始見上六月

希萼引兵繼進攻岳州刺史

王贇拒之五日不克希萼使人謂贇曰公非馬氏之臣

乎不事我欲事異國乎為人臣而懷貳心豈不辱其先

人贇曰贇父環為先王將六破淮南兵

王贇父環馬氏之良將也將即

亮

翻今大王兄弟不相容贇常恐淮南坐收其弊一旦以

遺體臣淮南誠辱先人耳大王苟能釋憾罷兵兄弟雍

睦如初贊敢不盡死以事大王兄弟豈有二心乎希萼

慙引兵去辛卯至湘陰焚掠而過

湘陰古羅縣之地唐屬岳州宋屬潭州九

域志湘陰縣在潭州東北一百五十五里宋白曰湘陰縣本羅子國秦為羅縣宋元徽二年分益陽羅三縣界

處巴峽流人因立湘陰縣以地在湘江之陰故名至長沙軍於湘西步兵及蠻

兵軍於嶽麓

盛弘之荊州記長沙兩岸有麓山蓋衡山之足又名靈麓峯乃嶽山七十二峯之數

自湘西古渡登岸夾徑喬松泉澗盤繞諸峯疊秀下瞰湘江道林嶽麓等寺皆在焉朱進忠自玉

渾引兵會之馬希廣遣劉彥瑫召水軍指揮使許可瓊

帥戰艦五百艘屯城北津屬於南津

帥讀曰率以馬希屬之欲翻

崇為監軍

馬希崇在長沙常為希萼調希廣希萼又以利啖許可瓊希廣使可瓊為將希崇監軍所

謂藉寇兵也

又遣馬軍指揮使李彥溫將騎兵屯駝口扼湘

陰路

劉江口有駝駝嘴因謂之駝口

步軍指揮使韓禮將二千人屯楊

柳橋扼柵路

朗兵柵于湘西以兵扼其路

可瓊德勳之子也

許德勳亦楚之

將良

壬辰太后始臨朝以王峻為樞密使袁義為宣徽

南院使王殷為侍衛馬步軍都指揮使郭崇威為侍衛

馬軍都指揮使曹威為侍衛步軍都指揮使陳州刺史

李穀權判三司

劉銖李洪建及其黨皆梟首於市而

赦其家

考異曰實錄國子博士司天監洛陽王處訥素與周祖善因言劉氏祚短事處訥曰漢歷未

盡但以即位後讐殺人夷人之族怨結天下所以社稷不得久長耳時周祖方以兵圍蘇達吉劉銖之第俟旦而族之聞其言蹶然遽命釋之按周祖時方迎相陰公立之豈得遽言劉氏祚短乎今不取郭威謂

公卿曰劉銖屠吾家吾復屠其家怨讐反覆庸有極乎

由是數家獲免王殷屢為洪建請免死

王殷先與李洪建分掌侍衛馬

步軍以同僚故為之請為干偽翻

郭威不許後匡贊至兗州慕容彥超

執而獻之李業至陝州

陝失冉翻

其兄保義節度使洪信不

敢匿於家業懷金將奔晉陽至絳州盜殺之而取其金

蜀施州刺史田行臯奔荆南高保融曰彼貳於蜀安

肯盡忠於我執之歸於蜀伏誅 鎮州邢州奏契丹主

將數萬騎入寇攻內丘

內丘本漢中丘縣隋避武元帝諱改為內丘唐屬邢州九域志

在州北四十七里范成大北使錄邢州三十五里至內丘縣

五日不克死傷甚衆有

戍兵五百叛應契丹引契丹入城屠之又陷饒陽

九域志饒

陽縣在深州北九十里

太后敕郭威將大軍擊之國事權委竇貞

固蘇禹珪王峻軍事委王殷十二月甲午朔郭威發大

梁 丁酉以翰林學士戶部侍郎范質為樞密副使

初蠻酋彭師曷降於楚

見二百八十二卷晉天福五年首慈由翻曷古老翻楚人

惡其獷直

惡鳥路翻獷古猛翻

楚王希廣獨憐之以為強弩指揮

使領辰州刺史師曷常欲為希廣死

偽為干翻

及朱進忠與

蠻兵合七千餘人至長沙營於江西

湘江之西

師曷登城望

之言於希廣曰朗人驟勝而驕雜以蠻兵攻之易破也

願假臣步卒三千自巴溪度江出嶽麓之後至水西令

許可瓊以戰艦度江腹背合擊必破之前軍敗則其大

軍自不敢輕進矣希廣將從之時馬希萼已遣間使以

厚利啖許可瓊

開古覓翻
啖吐濫翻

許分湖南而治可瓊有貳心

乃謂希廣曰師曷與梅山諸蠻皆族類安可信也可瓊

世為楚將

許可瓊德熟之
子故自言爾

必不負大王希萼竟何能為

希廣乃止希萼尋以戰艦四百餘艘泊江西希廣命諸

將皆受可瓊節度日賜可瓊銀伍百兩希廣屢造其營

計事

造七
列翻

可瓊常閉壘不使士卒知朗軍進退希廣歎

曰真將軍也吾何憂哉

臨亂之君各賢
其臣斯言信矣

可瓊或夜乘單

舸詐稱巡江與希萼會水西約為內應

舸若
我翻

一旦彭師

高見可瓊瞋目叱之

瞋昌拂衣入見希廣曰可瓊將叛

國人皆知之請速除之無貽後患希廣曰可瓊許侍中

之子豈有是邪

楚加許德勳侍中故希廣稱之

師高退歎曰王仁而不

斷

斷丁亂翻

敗亡可翹足俟也潭州大雪平地四尺潭朗兩

軍久不得戰希廣信巫覡及僧語塑鬼于江上

現刑狄翻塑桑

故翻搏埴為鬼神之形曰塑

舉手以却朗兵又作大像于高樓手指

水西怒目視之

怒奴古翻

命衆僧日夜誦經希廣自衣僧服

膜拜求福

衣于既翻下暉衣同膜莫乎翻

甲辰朗州步軍指揮使武陵

何敬真等

考異曰湖湘故事作何景真今從十國紀年

以蠻兵三千陳於楊

柳橋敬真望韓禮營旌旗紛錯

先是希廣命韓禮營于楊柳橋紛亂也錯雜也

陳讀曰陣

曰彼衆已懼擊之易破也朗人雷暉衣澤卒之服

潛入禮寨手劒擊禮不中

手式又翻中竹仲翻

軍中驚擾敬真等

乘其亂擊之禮軍大潰禮被創走至家而卒

創初良翻于是

朗兵水陸急攻長沙步軍指揮使吳宏小門使楊滌相

謂曰以死報國此其時矣各引兵出戰宏出清泰門戰

不利滌出長樂戰自辰至午朗兵小却

長樂之下當有門字許可

瓊劉彥瑫按兵不救滌士卒飢疲退就食彭師曷戰于城東北隅蠻兵自城東縱火城上人招許可瓊軍使救城可瓊舉全軍降希萼長沙遂陷朗兵及蠻兵大掠三日殺吏民焚廬舍自武穆王以來所營官室皆為灰燼

楚王馬殷謚武穆

所積寶貨皆入蠻落李彥溫望見城中火起

自駝口引兵救之朗人已據城拒戰彥溫攻清泰門不克與劉彥瑫各將千餘人奉文昭王及希廣諸子趣袁

州遂奔唐

楚王希範謚文昭九域志潭州東南至袁州六百三十四里趣七喻翻

張暉降

於希萼

張暉先是自益陽遁歸長沙長沙既陷遂降于希萼

左司馬希崇帥將吏

詣希萼勸進

馬希崇通希萼事始二百八十七卷天福十二年帥讀曰率

吳宏戰血

滿袖見希萼曰不幸為許可瓊所誤今日死不愧先王

矣彭師鬻投藥于地大呼請死

呼火故翻

希萼歎曰鐵石人

也皆不殺乙巳希崇迎希萼入府視事閉城分捕希廣

及掌書記李弘臯弟弘節都軍判官唐昭胤及鄧懿文

楊滌等皆獲之希萼謂希廣曰承父兄之業豈無長幼

乎希廣曰將吏見推朝廷見命耳希萼皆囚之

卒如張少敵拓

拔桓之言丙午希萼命內外巡檢侍衛指揮使劉賓禁止焚

掠丁未希萼自稱天策上將軍武安武平靜江寧遠等

軍節度使

馬氏舊有此四鎮之地是時寧遠巡屬已屬南漢

楚王

此皆父兄官爵希萼未稟

命于中國而自稱之以希崇為節度副使判軍府事

為希崇殺湖希萼張本

南要職悉以朗人為之鬻食李弘皋弘節唐昭胤楊滌

斬鄧懿文於市戊申希萼謂將吏曰希廣懦夫為左右

所制耳吾欲生之可乎諸將皆不對朱進忠嘗為希廣

所害對曰大王三年血戰始得長沙

天福十二年希萼希廣始爭國次年

文兵至是一國不容二主它日必悔之戊申賜希廣死三年矣

希廣臨刑猶誦佛書彭師嵩葬之于瀏陽門外

瀏陽門潭州城

東門劉武寧節度使贊留右都押牙輩延美元從都

教練使楊溫守徐州

為二人以徐州拒周張本輩延美據下卷及歐史當作輩延美輩以

邑為姓周有卿士輩簡公與馮道等西來

自彭城而西來大梁在

道仗衛皆如王者左右呼萬歲郭威至滑州留數日贊

遣使慰勞諸將

勞力到翻

受命之際相顧不拜私相謂曰我

輩屠陷京城其罪大矣若劉氏復立我輩尚有種乎

種章

勇已酉威聞之即引兵行趣澶州趣七辛亥遣蘇禹珪

如宋州迎嗣君 楚王希萼以子光贊為武平留後以

何敬真為朗州牙內都指揮使將兵戍之希萼召拓拔

恒欲用之恒稱疾不起自希廣之立拓拔恒已杜門矣

年 士子郭威度河館于澶州館古玩翻癸丑旦將發

將士數千人忽大譟威命閉門將士踰垣登屋而入曰

天子須侍中自為之將士已與劉氏為仇不可立也或

裂黃旗以被威體被皮共扶抱之呼萬歲震地因擁威

義翻

南行威乃上太后牋請奉宗廟事太后為母丙辰至韋

城

隋分白馬置韋城縣治韋氏國城屬滑州九城志在州東南五十里丁度曰韋城縣古豕韋國也上時掌

翻

下書撫諭大梁士民以昨離河上在道秋毫不犯勿

有憂疑

悉京城士民慙前者剽掠之禍奔迸四出故撫安之離力智翻

戊午威至七里

店竇貞固帥百官出迎拜謁因勸進威營於臯門村臯門

村蓋在臯門之外按大梁城無臯門詩大雅綿之篇曰乃立臯門臯門有伉毛氏傳曰王之郭門曰臯門鄭氏

箋曰諸侯之官外門曰臯門朝門曰應門內有應門天

子之官如之庫雉至禮記明堂位記周賜魯公以天子

之制其言曰庫門天子臯門雉門天子應門鄭注又云天子五門臯庫雉應路魯有庫雉路則諸侯三門歟詳

而味之詩箋記注微有不同而五代之時汴城之外所謂臯門村蓋以郭門之外有村遂呼曰臯門村合于毛氏詩傳臯門村屬開封縣薛史云王壇葬于開封縣之臯門原以是知之武寧節度使贊

已至宋州王峻王殷聞澶州軍變遣侍衛馬軍都指揮使郭崇威將七百騎往拒之又遣前申州刺史馬鐸將

兵詣許州巡檢崇威忽至宋州陳于府門外贊大驚闔

門登樓詰之

詣許州巡檢備劉信也汴京至宋州二百八十五里耳贊不意其至故驚而詰之詰

去吉

對曰澶州軍變郭公慮陛下未察故遣崇威來宿

衛無它也贊召崇威崇威不敢進馮道出與崇威語

先是

使馮道迎贊
故道在贊所

崇威乃登樓贊執崇威手而泣崇威以郭

威意安諭之少頃崇威出時護聖指揮使張令超帥部

兵為贊宿衛

按薛史護聖作衛馬
軍也帥讀曰率下同

徐州判官董喬說

贊曰

說式
萬翻

觀崇威視瞻舉措必有異謀道路皆言郭威

已為帝而陛下深入不止禍其至哉請急召張令超諭

以禍福使夜以兵劫崇威奪其兵明日掠睢陽金帛募

士卒北走晉陽

宋州睢陽郡贊父崇鎮
晉陽睢音須走音奏

彼新定京邑未

暇追我此策之上也贊猶豫未決是夕崇威密誘令超

令超帥衆歸之

訪音西

贊大懼郭威遺贊書云為諸軍所

迫召馮道先歸留趙上交王度奉侍道辭行贊曰寡人

此來所恃者以公三十年舊相故無疑耳

馮道唐明宗天成二年為

相至是二十四年曰三十九年舉成數也遺於季翻

今崇威奪吾衛兵事危矣公

何以為計道默然

無以答贊故默馮道自謂癡頑老子良不妄也

客將賈貞數

目道欲殺之

將即亮翻數所角翻

贊曰汝輩勿草草此無預馮公

事

契丹主入汴責劉繼勳繼勳歸罪于道道幾死矣宋州之事使劉贊從賈貞之意道亦必死矣而契丹主

謂道非多事者劉贊謂無預馮公事豈非以其在位素懷冲澹與物無競人皆敬其名德而然邪道之全身因

為得矣有國者馬用彼相哉然自後唐同光以來樞密使任事丞相取充位而已責人所無難惟受責俾如流以此而言道崇威遷贊於外館殺其腹心董裔賈貞等未肯受責也

數人已未太后誥廢贊為湘陰公馬鐸引兵入許州劉

信惶惑自殺庚申太后誥以侍中監國

太后兩誥皆郭威之志也侍中

稱郭威官百官藩鎮相繼上表勸進壬戌夜監國營有步兵

將校醉揚言邠者澶州騎兵扶立今步兵亦欲扶立監

國斬之南漢主以宮人盧瓊仙黃瓊芝為女侍中朝

服冠帶參決政事

朝直遙翻

宗室勲舊誅戮殆盡惟宦官林

延邇等用事

史言南漢終以宦官女寵亡國而南漢主所以能終其世者以僻處海隅而中國未

有真主耳

資治通鑑卷二百八十九